



SLUŽBENI LIST

REPUBLIKE BOSNE I HERCEGOVINE

Godina I – Broj 6

Ponedjeljak, 15. juna 1992.
SARAJEVO

Akontacija pretplate
za 1992. godinu 3.900 dinara
Žiro-račun 10100-603-1396

110

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM

O USTANOVAMA

I – OSNOVNE ODREDBE

Član 1.

Ustanova, u smislu ove uredbe, osniva se za obavljanje djelatnosti obrazovanja, nauke, kulture, fizičke kulture, zdravstva, dječije zaštite, socijalne zaštite, socijalne sigurnosti i drugih djelatnosti utvrđenih zakonom, ako cilj obavljanja djelatnosti nije sticanje dobiti.

Ustanova ima svojstvo pravnog lica.

Član 2.

Ustanovu može osnovati domaće odnosno strano pravno i fizičko lice (u daljem tekstu: osnivač) u svim oblicima svojine.

Zakonom se može utvrditi da strano i pravno i fizičko lice ne može osnovati ustanovu za obavljanje određene djelatnosti.

Član 3.

Za obavljanje javne službe osniva se javna ustanova.

Pod javnom službom, u smislu ove uredbe, podrazumijeva se trajno i nesmetano obavljanje djelatnosti u javnom interesu Republike Bosne i Hercegovine (u daljem tekstu: Republika), opštine ili gradske zajednice.

Javnu ustanovu može osnovati Skupština Republike Bosne i Hercegovine (u daljem tekstu: Skupština RBiH), skupština opštine, skupština gradske zajednice i vjerska zajednica, samostalno ili sa drugim pravnim odnosno fizičkim licem, kada nadležna skupština ocijeni da za njeno osnivanje postoji javni interes.

Član 4.

Radnici ostvaruju svoja prava u ustanovi, u skladu sa zakonom, kolektivnim ugovorom i pravilima ustanove.

II – OSNIVANJE USTANOVE

Član 5.

Ustanova se može osnovati ako su ispunjeni uslovi za osnivanje i početak rada ustanove, u skladu sa zakonom.

Sredstva za ispunjenje uslova iz stava 1. ovog člana obezbjeđuje osnivač.

Član 6.

Osnivač donosi akt o osnivanju ustanove.

Akt o osnivanju ustanove sadrži:

- naziv osnivača,
- naziv i sjedište ustanove,
- djelatnost ustanove,
- iznos sredstava za osnivanje i početak rada i način njihovog obezbjeđivanja,
- izvore i način obezbjeđivanja sredstava za rad ustanove,
- međusobna prava i obaveze između osnivača i ustanove,
- način raspolaganja viškom prihoda nad rashodima i način na koji se pokriva višak rashoda nad prihodima,
- prava, obaveze i odgovornost ustanove u pravnom prometu,
- lice koje će do imenovanja organa rukovođenja predstavljati i zastupati ustanovu i njegova ovlaštenja i odgovornosti,
- rok za donošenje pravila ustanove, imenovanje organa upravljanja i rukovođenja ustanove,
- druga pitanja od značaja za rad ustanove.

Član 7.

Ustanovu mogu osnovati dva ili više osnivača.

Ako ustanovu osniva dva ili više osnivača, njihova međusobna prava, obaveze i odgovornosti uređuju se ugovorom, koji se zaključuje u pismenoj formi.

Član 8.

Osnivač može prenijeti i obaveze osnivača na drugo pravno ili fizičko lice.

Aktom o prenošenju prava i obaveza osnivača uređuje se način zaštite prava korisnika usluga i druga pitanja od značaja za promjenu osnivača ustanove.

Član 9.

Ustanova ne može početi da obavlja djelatnost dok nadležni organ uprave koji vrši nadzor nad zakonitosti rada rješenjem ne utvrdi da su ispunjeni uslovi utvrđeni zakonom.

III – DJELATNOST, STATUSNE PROMJENE I UDRUŽIVANJE USTANOVA

Član 10.

Ustanova može obavljati više djelatnosti iz člana 1. ove uredbe, ako ispunjava uslove utvrđene zakonom za svaku od tih djelatnosti.

Član 11.

Ustanova može, bez upisa u sudski registar, da obavlja privrednu djelatnost i privrednu aktivnost radi zbrinjavanja poslovno nesposobnih lica i profesionalnog osposobljavanja i zapošljavanja invalidnih lica, u manjem obimu ili povremeno, ako ta djelatnost odnosno aktivnost služi ostvarivanju djelatnosti odnosno izvršavanju poslova radi kojih je ustanova osnovana.

Član 12.

Ustanovi se mogu povjeriti javna ovlaštenja iz djelokruga organa državne uprave za vršenje i stručnih poslova, u skladu sa zakonom.

Član 13.

Pravilima ustanove može se utvrditi da dio ustanove ima određena ovlaštenja u pravnom prometu, kao i poseban obračun rezultata poslovanja, u skladu sa zakonom.

Dio ustanove iz stava 1. ovog člana nema svojstvo pravnog lica.

Član 14.

Ustanova može proširiti ili promijeniti djelatnost, kao i izvršiti statusne promjene: spajanje, pripajanje, podjelu i izdvajanje.

Odluku iz stava 1. ovog člana donosi osnivač.

Član 15.

Osnivači ustanova koje su se spojile odlučuju o preuzimanju prava i obaveza osnivača prema ustanovi koja je nastala spajanjem.

Osnivač ustanove koja se podijelila i ustanove iz koje se izdvojio dio u samostalnu ustanovu odlučuje o preuzimanju prava i obaveza osnivača prema ustanovama koje su nastale podjelom, odnosno prema ustanovi koja je nastala izdvajanjem.

Prava i obaveze osnivača prema ustanovi koja se pripojila drugoj ustanovi prestaju danom upisa akta o pripajanju u sudski registar.

U slučaju statusne promjene ustanove imovinska i druga prava i obaveze uređuju se ugovorom.

Član 16.

Ustanova može ugovorom povjeriti drugoj ustanovi, preduzeću ili fizičkom licu obavljanje administrativno-tehničkih i pomoćnih poslova, u skladu sa zakonom.

Član 17.

Zakonom se može propisati obaveza udruživanja ustanova u odgovarajući oblik udruživanja (u daljem tekstu: obavezni oblik udruživanja), njegova prava, obaveze, način sticanja sredstava za rad, način upravljanja i rukovođenja i druga pitanja.

Ustanove udružene u obavezni oblik udruživanja zadržavaju svojstvo pravnog lica.

Član 18.

Rad ustanova i obaveznog oblika udruživanja je javan.

IV - SJEDIŠTE I NAZIV USTANOVE

Član 19.

Sjedište ustanove je mjesto u kome se obavlja djelatnost radi koje je ustanova osnovana.

Ako se djelatnost obavlja u više mjesta, sjedištem se smatra mjesto koje je određeno pravilima ustanove.

Član 20.

Ustanova može promijeniti sjedište uz saglasnost osnivača.

Odluka o promjeni sjedišta ustanove donosi se na način utvrđen pravilima ustanove.

Član 21.

Naziv ustanove je ime pod kojim ustanova radi. Ustanova može promijeniti naziv, uz saglasnost osnivača.

Odluka o promjeni naziva ustanove donosi se na način utvrđen pravilima ustanove.

Pravilima ustanove može se utvrditi da dio ustanove iz člana 13. ove uredbe može, uz naziv ustanove, dodati i bliži naziv tog dijela ustanove.

Član 22.

Naziv ustanove upućuje na djelatnost i sjedište ustanove.

Ustanova može imati i skraćeni naziv.

Naziv i skraćeni naziv mora se istaći na ulazu u poslovne prostorije ustanove.

Član 23.

U naziv ustanove može se unijeti ime umrle istorijske i druge znamenite ličnosti.

Za unošenje u naziv imena iz stava 1. ovog člana potrebna je dozvola organa uprave koji vrši nadzor nad zakonitošću rada ustanove, osim ako je jedan od osnivača Skupština R BiH, skupština opštine ili skupština gradske zajednice, kao i pristanak srodnika te ličnosti do trećeg stepena srodstva, ako zakonom ili drugim propisom nije drugačije određeno.

Na zahtjev organa uprave koji vrši nadzor nad zakonitostima rada ustanove ili srodnika iz stava 2. ovog člana nadležni viši sud odlučuje da se iz naziva ustanove briše ime umrle istorijske ili druge znamenite ličnosti, ako ocijeni da je načinom obavljanja djelatnosti ustanove ugled te ličnosti doveden u pitanje.

U naziv ustanove ne može se unijeti naziv Republike, opštine ili gradske zajednice, osim ako zakonom nije drugačije određeno.

V - ORGAN UPRAVLJANJA, RUKOVOĐENJA I DRUGI ORGANI U USTANOVU

Član 24.

Organ upravljanja u ustanovi je upravni odbor.

Organ rukovođenja u ustanovi je direktor, upravnik, dekan ili drugi odgovarajući poslovodni organ utvrđen zakonom (u daljem tekstu: direktor).

Organ kontrole poslovanja u ustanovi je nadzorni odbor.

Član 25.

Upravni odbor ima najmanje tri, a najviše devet članova. Predsjednika i članove upravnog odbora imenuje i razrješava osnivač.

Predsjednik i članove upravnog odbora javne ustanove imenuje i razrješava, u ime osnivača, Vlade Republike Bosne i Hercegovine (u daljem tekstu: Vlada R BiH), izvršni organ opštine ili izvršni organ gradske zajednice.

Jedna trećina članova upravnog odbora, po pravilu, imenuje se iz reda stručnih radnika zaposlenih u ustanovi.

Predsjednik i članovi upravnog odbora imenuju se za vrijeme od četiri godine i mogu biti ponovno imenovani.

Direktor ustanove ne može biti član upravnog odbora.

Broj članova upravnog odbora bliže se određuje pravilima ustanove, u skladu sa zakonom ili aktom o osnivanju ustanove.

Član 26.

Osnivač odnosno Vlada R BiH, izvršni organ opštine ili izvršni organ gradske zajednice može razriješiti predsjednika i člana upravnog odbora i prije vremena za koje je imenovan, ako utvrdi da je odgovoran za neuspješan ili nezakonit rad ustanove, na njegov lični zahtjev i u drugim slučajevima utvrđenim zakonom i pravilima ustanove.

Član 27.

Upravni odbor:

- donosi pravila ustanove,
- imenuje i razrješava direktora,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi opšti akt o unutrašnjoj organizaciji i sistematizaciji poslova i druge opšte akte, u skladu sa zakonom i pravilima ustanove,
- odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o od-

ređenim pitanjima odlučuje drugi organ ustanove,

- usmjerava, kontroliše i ocjenjuje rad direktora,
- rješava sva pitanja odnosa sa osnivačem,
- odlučuje o korištenju sredstava preko iznosa utvrđenog pravilima ustanove,
- odgovara osnivaču za rezultate rada ustanove,
- odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa,
- podnosi osnivaču najmanje jedanput godišnje izvještaj o poslovanju ustanove,
- vrši i druge poslove u skladu sa zakonom i pravilima ustanove.

Zakonom se mogu bliže odrediti pitanja iz alineje 7. stava 1. ovog člana i kao i druga pitanja o kojima odlučuje upravni odbor.

Član 28.

Upravni odbor donosi odluke većinom glasova svih članova, ako zakonom ili pravilima za odlučivanje o pojedinim pitanjima nije određena druga kvalifikovana većina.

Član 29.

Direktora ustanove imenuje upravni odbor na osnovu konkursa koji se objavljuje u javnim glasilima, uz saglasnost osnivača.

Direktora javne ustanove imenuje i razrješava upravni odbor javne ustanove, na osnovu javnog konkursa, uz saglasnost Vlade RBiH, izvršnog organa opštine ili izvršnog organa gradske zajednice.

Lice koje nije dobilo saglasnost za direktora od strane Vlade RBiH, izvršnog organa opštine ili izvršnog organa gradske zajednice, ne može na ponovnom konkursu biti imenovano za direktora odnosno vršioca dužnosti direktora.

Ako se ne izvrši imenovanje direktora javne ustanove, upravni odbor imenuje vršioca dužnosti direktora.

Izuzetno, u uslovima neposredne ratne opasnosti ili rata direktora odnosno upravni odbor javne ustanove imenuje i razrješava Vlada RBiH, izvršni organ opštine ili izvršni organ gradske zajednice.

Uslovi za imenovanje direktora utvrđuju se zakonom i pravilima ustanove.

Član 30.

O odluci o imenovanju direktora obavještavaju se učesnici u konkursu, najkasnije u roku od osam dana od dana donošenja odluke.

Svaki učesnik u konkursu, u roku od osam dana od dana prijema obavještenja, može protiv odluke o imenovanju direktora podnijeti predlog za pokretanje postupka pred nadležnim sudom.

Član 31.

Ako direktor nije imenovan, upravni odbor će bez konkursa imenovati vršioca dužnosti direktora iz reda stručnih radnika zaposlenih u ustanovi.

Vršilac dužnosti direktora ima sva prava i dužnosti direktora.

Vršilac dužnosti direktora može rukovoditi ustanovom do imenovanja direktora, a najduže šest mjeseci od dana njegovog imenovanja.

Član 32.

Direktor organizuje i rukovodi radom ustanove, zastupa i predstavlja ustanovu prema trećim licima i odgovoran je za zakonitost rada ustanove.

U ostvarivanju rukovođenja ustanovom, direktor predlaže upravnom odboru mjere za efikasno i zakonito obavljanje djelatnosti radi kojih je ustanova osnovana, unutrašnju organizaciju i sistematizaciju poslova i osnovne planova rada i razvoja, izvršava odluke upravnog odbora, odlučuje o pravima, obavezama i odgovornostima radnika iz radnog odnosa, podnosi upravnom odboru izvještaj o finansijskom poslovanju i vrši druge poslove u skladu sa zakonom i pravilima ustanove.

Direktor je dužan da obustavi od izvršenja opšti akt koji je u nesaglasnosti sa ustavom ili u suprotnosti sa zakonom, kao i

pojedinačni akt kojim se nanosi šteta ustanovi ili društvenoj zajednici i da o tome obavijesti organ uprave koji vrši nadzor nad zakonitosti rada ustanove.

Ako organ iz stava tri ovog člana u roku od 30 dana od dana prijema obavještenja ne postupi u skladu sa članom 43. ove uredbe i o tome ne obavijesti direktora, akt koji je obustavio direktor može se izvršiti.

Direktor je naredbodavac za izvršenje finansijskog plana.

Direktor je odgovoran upravnom odboru za rezultate rada i finansijsko poslovanje ustanove.

Član 33.

Upravni odbor može razriješiti direktora i prije vremena za koje je imenovan:

– ako utvrdi da je odgovoran za neuspješan ili nezakonit rad ustanove.

- na lični zahtjev direktora,
- u drugim slučajevima utvrđenim zakonom i pravilima ustanove.

Predlog za prijevremeno razrješenje direktora iz razloga iz alineje 1. stava 1. ovog člana može dati osnivač odnosno Vlada RBiH, izvršni organ opštine ili izvršni organ gradske zajednice, predsjednik odnosno član upravnog odbora ili nadzorni odbor.

Član 34.

Nadzorni odbor ustanove ima tri ili pet članova. Predsjednika i članove nadzornog odbora imenuje i razrješava osnivač.

Predsjednika i članove nadzornog odbora javne ustanove imenuje i razrješava Vlada RBiH, izvršni organ opštine ili izvršni organ gradske zajednice.

Najmanje jedan član nadzornog odbora imenuje se iz reda stručnih radnika zaposlenih u ustanovi.

Predsjednik i članovi nadzornog odbora imenuju se za vrijeme od četiri godine i mogu biti ponovo imenovani.

Broj članova nadzornog odbora bliže se određuje pravilima ustanove.

Član 35.

- Nadzorni odbor:
- analizira izvještaje o poslovanju ustanove,
 - u obavljanju nadzora nad upotrebom sredstava za rad, pregleda godišnji izvještaj o poslovanju i godišnji obračun,
 - pregleda i provjerava urednost i zakonitost vođenja poslovnih knjiga,
 - izvještava osnivača, upravni odbor i direktora o rezultatima nadzora.

Član 36.

Ustanova može imati stručni i drugi organ, u skladu sa zakonom i pravilima ustanove.

VI – OPŠTI AKTI USTANOVE

Član 37.

Osnovni opšti akt ustanove odnosno obaveznog oblika udruživanja su pravila ustanove odnosno pravila obaveznog oblika udruživanja.

Ustanova može imati i druge opšte akte, u skladu sa zakonom, kolektivnim ugovorom i pravilima ustanove.

Član 38.

Pravila ustanove sadrže odredbe o: nazivu i sjedištu ustanove; osnivaču ustanove; obavezama ustanove prema osnivaču; djelatnosti ustanove i o načinu i uslovima obavljanja te djelatnosti; odnosu prema korisnicima usluga; pravima i obavezama dijela ustanove iz člana 13. ove uredbe; statusnim promjenama; načinu raspoređivanja sredstava za rad; broju članova upravnog odbora; imenovanju i razrješenju direktora; drugim organima ustanove i o njihovim pravima, obavezama, odgovornostima, uslovima i načinu njihovog izbora i razrješenja; opštim aktima koji se donose u ustanovi i načinu njihovog donošenja; licima ovlaštenim da, pored direktora, zastupaju ustanovu i njihovim ovlaštenjima i odgovornostima; načinu

ostvarivanja javnosti rada; drugim pitanjima utvrđenim zakonom i druge odredbe od značaja za rad ustanove i za ostvarivanje prava, obaveza i odgovornosti radnika ustanove.

Pravila obaveznog oblika udruživanja sadrže odredbe o pitanjima utvrđenim zakonom.

VII – SREDSTVA ZA RAD I ODGOVORNOST ZA OBAVEZE U PRAVNOM PROMETU USTANOVE

Član 39.

Ustanova stiče sredstva za rad iz sredstava osnivača, budžeta Republike, opštine ili gradske zajednice, sredstava fonda, od naknade za obavljanje intelektualnih, obrazovnih, kulturnih, zdravstvenih i drugih usluga, od ličnog učešća korisnika usluga, prodajom materijalnih dobara iz drugih izvora, pod uslovima određenim zakonom ili aktom o osnivanju ustanove.

Član 40.

Višak prihoda nad rashodima ustanova koristi za obnavljanje i razvoj djelatnosti, ako aktom o osnivanju nije drugačije određeno.

Član 41.

Ustanova je odgovorna za svoje obaveze sredstvima sa kojima raspolaže.

Osnivač je supsidijarno odgovoran za obaveze ustanove, ako aktom o osnivanju nije drugačije određeno.

Kada je osnivač odgovoran za obaveze ustanove, dužan je da:

- pokrije višak rashoda nad prihodima ustanove, u roku od 60 dana od dana usvajanja godišnjeg obračuna.

- razriješi predsjednika i članove upravnog odbora, ako je ustanova za dvije uzastopne godine u godišnjem obračunu iskazala višak rashoda nad prihodima.

U slučaju iz alineje 2. stava 3. ovog člana, upravni odbor dužan je da razriješi direktora ustanove.

VIII – NADZOR

Član 42.

Nadzor nad zakonitosti rada ustanove vrši nadležni organ uprave na čijem je području sjedište, ako zakonom nije drugačije određeno.

Član 43.

U vršenju nadzora nad zakonitosti rada nadležni organ uprave ima pravo i dužnost da obustavi od izvršenja opšti akt ustanove za koji smatra da je u nesaglasnost sa ustavom ili u suprotnosti sa zakonom.

Ako je nadležni organ uprave obustavio izvršenje opšteg akta iz prethodnog stava, dužan je da u roku od osam dana od dana dostavljanja ustanovi rješenja o obustavi pokrene pred Ustavnim sudom Bosne i Hercegovine postupak za ocjenjivanje ustavnosti odnosno zakonitosti obustavljenog akta i da o tome obavijesti donosioca tog akta.

Ako nadležni organ uprave ne postupi na način iz stava 2. ovog člana obustavljeni opšti akt može se primijeniti po proteku roka od osam dana od dana dostavljanja ustanovi rješenja o obustavi.

Ako se pojedinačnim aktom ustanove koji je suprotan zakonu ili drugom propisu donesenom na osnovu zakona ili pravilima ustanove nanosi šteta ustanovi ili društvenoj zajednici, nadležni javni tužilac može tražiti od nadležnog suda da ukine odnosno poništi takav akt.

Odredba stava 4. ovog člana ne odnosi se na akte donesene u upravnom postupku i akte po kojima je za konačno odlučivanje zakonom predviđena nadležnost suda.

Član 44.

Ako nadležni organ uprave u vršenju nadzora nad zakonitosti rada utvrdi da ustanova ne ispunjava propisane uslove, rješenjem će odrediti rok za otklanjanje nedostataka.

Ako u određenom roku nedostaci ne budu otklonjeni, organ uprave iz stava 1. ovog člana rješenjem će zabraniti rad ustanove i o tome obavijestiti osnivača.

Pravosnažno rješenje o trajnoj zabrani rada organ iz stava 1. ovog člana dostavlja osnivaču, nadležnom sudu i organu ko-

ji vodi poseban registar, radi brisanja ustanove iz sudskog i posebnog registra.

Član 45.

Nadzor nad stručnim radom ustanove obavlja zakonom propisani organ.

IX – UPIS U SUDSKI I POSEBNI REGISTAR USTANOVE

Član 46.

Ustanova se upisuje u sudski registar ustanova.

U sudski registar ustanova upisuje se i dio ustanove iz člana 13. ove uredbe i obavezni oblik udruživanja.

Ustanova i obavezni oblik udruživanja stiču svojstvo pravnog lica upisom akta o osnivanju u sudski registar ustanova.

Član 47.

Sudski registar ustanova vodi viši sud na čijem je području sjedište ustanove.

Bliži propis u obliku, sadržaju i načinu vođenja sudskog registra ustanova i o postupku upisa i brisanja ustanove iz sudskog registra ustanova donosi Vlada RBiH.

Član 48.

U sudski registar ustanova upisuje se osnivanje, organizovanje, statusne i druge promjene i prestanak ustanove.

U sudski registar ustanova upisuju se i drugi podaci o ustanovi koji su od značaja za obavljanje djelatnosti: naziv i sjedište; skraćeni naziv; djelatnost; broj i datum rješenja o ispunjenju propisanih uslova za početak obavljanja djelatnosti; odgovornost osnivača za obaveze ustanove; imena lica ovlaštenih za zastupanje i granice njihovog ovlaštenja; naziv i sjedište osnivača i broj i datum akta o osnivanju; podaci o drugim činjenicama utvrđenim ovom uredbom i propisom iz stava 2. člana 47. ove uredbe.

Član 49.

Upis u sudski registar ustanova vrši se na zahtjev ovlaštenog lica.

Član 50.

Upis u sudski registar ustanova ima dejstvo prema trećim licima od dana upisa.

Treće lice koje se pouzda u podatke upisane u sudski registar ustanove ne snosi štetne posljedice koje iz toga nastanu.

Član 51.

Zakonom se može propisati da ustanova stiče zakonom utvrđena prava upisom u posebni registar koji vodi nadležni organ uprave.

U slučaju iz stava 1. ovog člana, u sudski registar ustanova upisuju se i podaci o upisu i brisanju iz posebnog registra.

Podatak o upisu u poseban registar upisuje se u sudski registar ustanova na osnovu prijave ustanove, a podatak o brisanju ustanove iz posebnog registra dostavlja nadležnom sudu, po službenoj dužnosti, organ uprave koji vodi poseban registar.

X – PRESTANAK USTANOVE

Član 52.

Ustanova prestaje:

1. ako više ne postoji potreba za obavljanje djelatnosti ustanove;

2. ako prestanu da postoje uslovi za obavljanje djelatnosti ustanove;

3. ako je ustanovi izrečena mjera zabrane obavljanja djelatnosti zbog toga što ne ispunjava uslove u skladu sa zakonom, a u roku određenom u izrečenj mjeri nije ispunila te uslove;

4. ako se pravosnažnom odlukom suda utvrdi ništavnost upisa u sudski registar;

5. ako je u nemogućnosti da ispunjava zakonom propisane obaveze, a aktom o osnivanju nije utvrđena odgovornost osnivača za te obaveze;

6. ako se pripoji drugoj ustanovi, spoji sa drugom ustanovom ili podijeli na dvije ustanove;

7. ako se organizuje u preduzeće;

8. u drugim slučajevima određenim zakonom ili aktom o osnivanju.

U slučajevima iz tač. 1. do 5. stava 1. ovog člana akt o prestanku ustanove donosi osnivač.

Aktom iz prethodnog stava utvrđuje se način zaštite prava korisnika usluga i druga pitanja od značaja za prestanak ustanove, u skladu sa zakonom i pravilima ustanove.

XI – PRELAZNE I ZAVRŠNE ODREDBE

Član 53.

Danom stupanja na snagu ove uredbe:

– postojeće radne organizacije koje obavljaju djelatnosti iz člana 1. ove uredbe nastavljaju rad kao ustanove, u skladu sa zakonom,

– osnovne organizacije udruženog rada u sastavu radne organizacije iz prethodne alineje postaju organizacione jedinice ustanove sa ovlaštenjima u pravnom prometu koja su upisana u sudski registar ustanova, a koja izvršavaju u ime i za račun ustanove,

– složene organizacije udruženog rada u djelatnostima iz člana 1. ove uredbe prestaju sa radom.

Na radnike složene organizacije iz alineje 3. stav 1. ovog člana primjenjuju se propisi o radnim odnosima.

Član 54.

U ustanovama iz stava 1. alineja 1. člana 53. ove uredbe imenovaće se privremeni organ upravljanja i privremeni organ rukovođenja, u roku od 15 dana od dana stupanja na snagu ovog zakona, i to:

– Vlada RBiH – za ustanove koje je osnovala Skupština RBiH,

– izvršni organ gradske zajednice – za ustanove koje je osnovala skupština gradske zajednice,

– izvršni organ opštine – za ustanove koje je osnovala opština i za sve druge ustanove koje imaju sjedište na području te opštine.

Organi iz stava 1. ovog člana izvršiće pripremljene radnje za organizovanje i rad ustanova u skladu sa zakonom, u roku od šest mjeseci od dana stupanja na snagu ove uredbe.

Član 55.

Izuzetno od odredbe člana 53. stav 1. alineja 2. ove uredbe srednje škole organizovane kao osnovne organizacije udruženog rada nastavljaju rad kao ustanove pod uslovima i na način utvrđen Zakonom o srednjoj školi (»Službeni list SRBiH«, broj 39/90).

Član 56.

Postojeće ustanove u djelatnostima iz člana 1. ove uredbe nastavljaju rad, pod uslovima i na način propisan zakonom kojim se uređuju odnosi u tim djelatnostima.

Član 57.

Zakoni kojima se uređuju odnosi u djelatnostima iz člana 1. ove uredbe uskladiće se sa ovom uredbom, u roku od šest mjeseci od dana stupanja na snagu ove uredbe.

Član 58.

Do usaglašavanja zakona iz člana 57. ove uredbe sa ovom uredbom javnom službom smatraće se djelatnosti odnosno poslovi od posebnog društvenog interesa.

Ustanove iz člana 53. stav 1. alineja 1. ove uredbe, koje obavljaju djelatnosti odnosno poslove od posebnog društvenog interesa, a čiji osnivač nije preduzeće, danom stupanja na snagu ove uredbe nastavljaju rad kao javne ustanove u državnj svojinj.

Član 59.

Objekti i oprema ustanova iz člana 53. stav 1. alineja 1. i član 56. ove uredbe koji nemaju status javne ustanove, svojina su osnivača.

Ako se ne može utvrditi osnivač ustanove iz prethodnog stava, objekti i oprema tih ustanova smatraju se svojinom opštine na čijem se području objekti i oprema nalaze.

Član 60.

Objekti i oprema organizacija i ustanova iz člana 53. stav 1. člana 56. i člana 58. stav 2. ove uredbe, a koji su izgrađeni od-

nosno nabavljeni sredstvima samodoprinosu, svojina su opštine na čijem području se objekti i oprema nalaze odnosno gradske zajednice koja je uvela samodoprinos.

Ako se objekat ili oprema iz prethodnog stava proda ili da u zakup, sredstva od prodaje odnosno zakupnine koriste se za namjene za koje je samodoprinos bio uveden.

Član 61.

Skupština RBiH odnosno skupština opštine ili skupština gradske zajednice odlučuje o zadržavanju odnosno preuzimanju prava osnivača prema javnim ustanovama iz člana 56. i člana 58. stav 2. ove uredbe, u roku od tri mjeseca od dana stupanja na snagu zakona kojima se uređuju odnosi u djelatnostima iz člana 1. ove uredbe.

U toku postupka odlučivanja o zadržavanju odnosno preuzimanju prava osnivača, osnivač može odlučiti da se dvije ili više javnih ustanova spoje, pripoje ili podijele, kao i da se pojedini dijelovi javne ustanove izdvoje u samostalnu ustanovu odnosno preduzeće.

U toku postupka iz prethodnog stava novi osnivači mogu unositi svoja sredstva kao osnivački uslug u svim oblicima svojine.

Član 62.

Ako Skupština RBiH, skupština opštine odnosno skupština gradske zajednice samostalno ili zajedno sa drugim pravnim odnosno fizičkim licem ne zadrži odnosno ne preuzme prava osnivača nad javnom ustanovom, ponudiće, po tržišnim vrijednostima, drugim pravnim i fizičkim licima preuzimanje prava osnivača nad tom ustanovom, u roku od 60 dana od dana isteka roka iz stava 1. člana 61. ove uredbe.

U slučaju da pravo osnivača ne preuzme drugo pravno odnosno fizičko lice, Skupština RBiH, skupština opštine odnosno skupština gradske zajednice donijeće akt o prestanku rada javne ustanove.

Aktom o prenošenju prava osnivača nad javnom ustanovom i aktom o prestanku te ustanove uređuju se način zaštite prava korisnika usluga, imovinsko-pravni odnosi i druga pitanja od značaja za promjenu osnivača, odnosno za prestanak javne ustanove.

Član 63.

Ako ni Skupština RBiH, skupština opštine ili skupština gradske zajednice ne preuzme prava osnivača nad javnom ustanovom iz člana 58. stav 2, kao ni nad ustanovom iz člana 59. stav 2. ove uredbe, opština na čijem je području sjedište ustanove provešće postupak iz prethodnog člana.

Član 64.

Vlada RBiH donijeće bliži propis iz člana 47. stav 2. ove uredbe, u roku od tri mjeseca od dana stupanja na snagu ove uredbe.

Član 65.

Ova uredba stupa na snagu danom objavljivanja u »Službenom listu RBiH«.

PR: broj 1183/92
3. juna 1992. godine
Sarajevo

Predsjednik
Predsjedništva RBiH
Alija Izetbegović, s. r.

111

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O UTVRĐIVANJU RATNE ŠTETE

Član 1.

U cilju utvrđivanja ratne štete nastale Republici Bosni i Hercegovini (u daljem tekstu: Republika) njenim fizičkim i

pravnim licima u vezi neprijateljstava, te ratnih operacija koje se protiv nje vode, računajući od 30. maja 1990. godine do prestanka, određuje se osnivanje i djelatnost Republike, opštinskih i posebnih komisija za popis i procjenu ratne štete.

Član 2.

Ratnom štetom u smislu ove uredbe smatra se imovinska i neimovinska, posredna i neposredna šteta, a naročito:

1. šteta učinjena tjelesnom integritetu, životu i zdravlju ljudi, slobodi i časti;
2. šteta učinjena imovini (pokretnoj i nepokretnoj) oštećenjem, uništenjem, pljačkom i na drugi način;
3. ratni rashodi;
4. gubitak nacionalnog dohotka;
5. gubitak nacionalnog bogatstva;
6. šteta po okolinu;
7. šteta učinjena zaustavljanjem ili prekidom, djelimičnim ili potpunim, procesa proizvodnje u svim oblastima društvenog i privrednog života;
8. sve druge vrste šteta.

Ratnom štetom u smislu ove uredbe, smatra se šteta učinjena od neprijatelja, ilegalnih skupina, legalnih tijela Republike, kao i saveznika navedenih skupina i tijela, ukoliko je posredno ili neposredno nestala u vrijeme navedeno u članu 1. ove uredbe.

Prijavljivanje štete iz stava 1. ovog člana obavezno je.

Član 3.

Republičku komisiju za popis i procjenu ratne štete (u daljem tekstu: Republička komisija) imenuje Vlada Republike Bosne i Hercegovine između predstavnika: ministarstva odbrane, unutrašnjih poslova, pravosuđa i uprave, finansija, saobraćaja i veza, energetike i industrije, trgovine, turizma i poduzetništva, zdravstva, rada i socijalne zaštite, poljoprivrede, šumarstva i vodoprivrede, prostornog uređenja, građevinarstva i zaštite okoline, razvoja, nauke i tehnologije, Zavoda za statistiku, Republičkog javnog pravobranilaštva, Privredne komore Bosne i Hercegovine, Zajednice osiguranja imovine i lica i Službe društvenog knjigovodstva Bosne i Hercegovine.

Predsjednik komisije je predstavnik Ministarstva za finansije.

Stručne i administrativne poslove za Republičku komisiju obavlja Ministarstvo za finansije i Republičko javno pravobranilaštvo.

Član 4.

Opštinsku komisiju za popis i procjenu ratne štete imenuje izvršni organ opštine na čijem području je šteta nastala ili su nastupile njene posljedice.

Član 5.

Posebne komisije za popis i procjenu ratne štete osnivaju se radi popisa i procjene ratne štete nastale na sakralnim objektima i drugim spomenicima kulture, značajnijim objektima, nacionalnim parkovima, parkovima prirode i jedinstvenim sistemima koji djeluju na području dvije ili više opština u Republici.

Posebne komisije imenuje Republička komisija.

Član 6.

Opštinske i posebne komisije osnivaju potreban broj stručnih komisija za popis i procjenu ratne štete.

Stručne komisije prikupljaju podatke i dokaze, popisuju i procjenjuju ratnu štetu na području za koje su osnovane, utvrđuju štetnika i oštećenog, te podnose izvještaj o svom radu komisiji koja ih je osnovala sa cjelokupnom dokumentacijom.

U stručne komisije imenuju se stručnjaci odgovarajućih oblasti.

Stručna komisija ima najmanje tri člana.

Član 7.

Opštinske i posebne komisije objedinjuju rad stručnih komisija koje su osnovane, određuju područje za koje će vršiti prikupljanje podataka i dokaza, popis i procjenu, rok u kojem posao treba obaviti, te im pružaju svu ostalu pomoć.

Opštinske i posebne komisije obrađuju i kontrolišu dostavljene izvještaje, te ih po potrebi vraćaju stručnoj komisiji radi ispravke i dopune.

Opštinske i posebne komisije izrađuju zbirni izvještaj za područje za koje su osnovane, te ga dostavljaju Republičkoj komisiji.

Član 8.

Republička komisija kontrolišu izvještaj opštinskih i posebnih komisija, te donosi konačnu odluku o visini ratne štete. Po potrebi za ove poslove Republička komisija može angažovati i posebne stručne institucije.

Republička komisija podnosi izvještaj o svome radu Skupštini i Vladi Republike Bosne i Hercegovine.

Član 9.

Troškovi rada Republičke i posebnih komisija podmiruju se iz republičkog budžeta.

Član 10.

Opštinske komisije pored poslova utvrđenih ovom uredbom vrše i identifikaciju pokretne i nepokretne imovine bivše SFRJ i bivše JNA i orijentacionu procjenu vrijednosti te imovine.

Odredba stava 1. ovog člana ne odnosi se na vojnostambeni fond. Ministarstvo odbrane izvršice evidentiranje te imovine.

O statusu imovine iz ovog člana naknadno će se odlučiti.

Član 11.

Vlasnici objekata u privatnoj svojini, društveno-pravna lica, vlasnici privatnih preduzeća, državni i drugi organi dužni su pružiti potrebne podatke o ratnoj šteti na zahtjev komisije za popis i procjenu ratne štete.

Član 12.

Kaznom do pet godina zatvora kazniće se vlasnik objekta u privatnoj svojini, odgovorno lice u društveno-pravnom licu, državnom i drugom organu, koji ne pruže potrebne podatke o ratnoj šteti na zahtjev komisije za popis i procjenu ratne štete.

Član 13.

Ministar za finansije donijeće uputstvo i propisati potrebne obrasce za primjenu ove uredbe.

Član 14.

Ova uredba stupa na snagu danom obavljanja u »Službenom listu Republike Bosne i Hercegovine«.

PR. broj: 1174/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

112

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENI ZAKONA O KRIVIČNOM POSTUPKU KOJI JE PREUZET KAO REPUBLIČKI ZAKON ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Zakon o krivičnom postupku koji je preuzet kao republički zakon Uredbom sa zakonskom snagom o preuzimanju Zakona o krivičnom postupku (»Službeni list RBiH«, broj 2/92), primjenjuje se i za vrijeme neposredne ratne opasnosti ili za vrijeme ratnog stanja, ako ovom uredbom nije drugačije određeno.

Član 2.

Za krivična djela za koja je, kao glavna kazna, propisana novčana kazna ili kazna zatvora do pet godina, u prvostepenom postupku sudi sudija pojedinac.

Član 3.

U slučaju obavezne odbrane, ako nije moguće da se za branioca postavi advokat ili drugo lice sa pravnom spremom, može se za branioca odrediti i lice koje nema pravnu spremu a sposobno je da okrivljenom pruži pomoć u odbrani.

Okrivljeni može biti ispitan i u odsustvu branioca.

Član 4.

Javni tužilac može podići optužnicu i bez sprovođenja istrage ako prikupljeni podaci pružaju dovoljno osnova za podizanje optužnice, ukoliko je za odnosno krivično djelo propisana kazna zatvora do deset godina.

Član 5.

Vrijeme od uručjenja optužnice do glavnog pretresa može biti kraće od osam dana, ali ne može biti kraće od dvadeset četrina časa.

Član 6.

Odredbe Zakona o krivičnom postupku o prigovoru protiv optužnice, ne primjenjuje se.

Član 7.

Ako je glavni pretres bio odložen, a odlaganje je trajalo duže od mjesec dana, ili ako se odloženi glavni pretres drži pred izmijenjenim vijećem ili pred drugim sudijom pojedincem, vijeće, odnosno sudija pojedinac može odlučiti da pretres ne počinje iznova. U takvom slučaju pretres se nastavlja, a predsjednik vijeća, odnosno sudija pojedinac ukratko iznosi tok ranijeg pretresa.

Član 8.

Obrazloženje presude sadrži samo kraće razloge za njeno donošenje.

Pismeni otpisnik presude iz nadležnosti sudije pojedinca dostavlja se samo na izričit zahtjev stranke.

Član 9.

Rok za izjavljivanje žalbe protiv presude iznosi osam dana.

Član 10.

Odredbe Zakona o krivičnom postupku o obavještanju o sjednici vijeća optuženog i njegovog branioca, oštećenog kao tužioca ili privatnog tužioca koji je u roku predviđenom za žalbu ili za odgovor na žalbu zahtijevao da bude obaviješten o sjednici ili je predložio održavanje pretresa pred drugostepenim sudom ne primjenjuju se.

Član 11.

Protiv presude drugostepenog suda nije dozvoljena žalba. Izuzetno od odredbe iz stava 1. ovog člana dozvoljena je žalba protiv presude drugostepenog suda kojom je izrečena smrtna kazna.

Član 12.

Odredbe Zakona o krivičnom postupku, koje se odnose na skraćeni postupak, primjenjuju se pred sudom u prvom stepenu za krivična djela za koja je kao glavna kazna propisana novčana kazna ili kazna zatvora do pet godina.

Član 13.

Odredbe Zakona o krivičnom postupku, koje se odnose na postupak opozivanja uslovne osude, postupak za donošenje odluke o brisanju osude ili prestanku mjera bezbjednosti i pravnih posljedica osude, postupak za naknadu štete, rehabilitaciju i postupak ostvarivanja drugih prava lica neopravdano osuđenih i neosnovano lišenih slobode, ne primjenjuju se.

Član 14.

Ova uredba stupa na snagu danom objavljivanja u »Službenom listu RBiH«.

PR. broj: 1175/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

113

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O IZMJENAMA I DOPUNAMA ZAKONA O POMILOVANJU

Član 1.

U Zakonu o pomilovanju (»Službeni list SRBiH«, broj 17/77) član 1. mijenja se i glasi:

»Pomilovanje za krivična djela predviđena zakonom Republike Bosne i Hercegovine daje se u skladu sa odredbama ovog zakona«.

Član 2.

U članu 2. riječ »Socijalističke« briše se, a riječ u zagradi »SRBiH« zamjenjuje se riječju »RBiH«.

Član 3.

Član 3. mijenja se i glasi:
»Predsjedništvo RBiH daje pomilovanje u skladu sa odredbama ovog zakona i kad je sud i, rekao kaznu za više krivičnih djela predviđenih u zakonu Republike Bosne i Hercegovine i zakonu druge republike.«

Član 4.

U članu 4. u tački 3. riječi: »predviđene republičkim zakonom«, brišu se.

Član 5.

Član 5. mijenja se i glasi:
»U slučaju da se pomilovanjem zamijeni izrečena kazna uslovnom osudom, uz uslovnu osudu ne određuje se zaštitni nadzor niti se uslovno osuđenom nalaže ispunjenje posebnih obaveza.«

Član 6.

U članu 6. u stavu 2. tačka se briše i dodaju riječi: »koji je preuzet Uredbom sa zakonskom snagom o preuzimanju Krivičnog zakona Socijalističke Federativne Republike Jugoslavije« (»Službeni list RBiH«, broj 2/92).

Član 7.

Član 8. mijenja se i glasi:
»Postupak za pomilovanje po službenoj dužnosti pokreće ministar za pravosuđe i upravu (u daljem tekstu: ministar).«

Član 8.

U članu 13. riječi: »organizacije udruženog rada i druge samoupravne organizacije i zajednice« zamjenjuju se riječima: »preduzeća i druga pravna lica«.

Član 9.

U članu 14. stav 1. mijenja se i glasi:

»Molbu za pomilovanje sud dostavlja Ministarstvu za pravosuđe i upravu (u daljem tekstu: Ministarstvo) zajedno sa svojim mišljenjem o opravdanosti molbe.«

U stavu 2. riječi: »organizacija udruženog rada, mjesnih zajednica i drugih samoupravnih organizacija i zajednica« zamjenjuju se riječima: »preduzeća i drugih pravnih lica«.

Član 10.

U članu 15. stav 1. mijenja se i glasi:

»Ministarstvo može tražiti od državnih organa, preduzeća i drugih pravnih lica podatke potrebne za rješavanje molbe za pomilovanje.«

U stavu 2. riječi: »republički sekretar« zamjenjuju se riječju »ministar«, a riječ »SRBiH« riječju »RBiH«.

Član 11.

U članu 16. riječ »SRBiH« zamjenjuje se riječju »RBiH«.

Član 12.

Član 17. i 18. brišu se.

Član 13.

U članu 19. riječi: »republički sekretar« zamjenjuju se riječju »ministar«.

Član 14.

Predsjedništvo RBiH daje pomilovanje i ako je u pitanju krivično djelo za koje je do dana stupanja na snagu ove uredbe osuda izrečena primjenom ranijih saveznih zakona.

Član 15.

Ova uredba stupa na snagu danom objavljivanja u »Službenom listu Republike Bosne i Hercegovine«.

PR. broj: 1176/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

114

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENI ZAKONA O PRIVREDNIM PRESTUPIMA KOJI JE PREUZET KAO REPUBLIČKI ZAKON ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Za vrijeme neposredne ratne opasnosti ili za vrijeme ratnog stanja ne primjenjuju se odredbe Zakona o privrednim prestupima koji je preuzet Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni (»Službeni list RBiH«, broj 2/92).

Privredni prestupi postaju prekršaji i rješavaju se po postupku predviđenom Zakonom o prekršajima (»Službeni list RBiH«, br. 19/86, 42/87, 33/89, 2/90 i 22/91).

Postupak se pokreće na zahtjev osnovnog javnog tužioca, ovlaštenog inspeksijskog organa i Službe društvenog knjigovodstva Bosne i Hercegovine.

Član 2.

Ova uredba stupa na snagu danom objavljivanja u »Službenom listu Republike Bosne i Hercegovine«.

PR. broj: 1177/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

115

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENI ZAKONA O IZVRŠENJU KRIVIČNIH I PREKRŠAJNIH SANKCIJA ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Zakon o izvršenju krivičnih i prekršajnih sankcija – Prečišćeni tekst (u daljem tekstu: Zakon – »Službeni list RBiH«, br. 2/84, 12/87, 25/88 i 27/90) primjenjuje se za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

U slučaju neposredne ratne opasnosti ili za vrijeme ratnog stanja kazneno-popravne organizacije osnovane zakonom, nastavljaju sa radom.

Izuzetno od odredbe stava 1. ovog člana prestaje sa radom Kazneno-popravni dom u Butmiru.

Član 3.

Osuđena lica izdržavaju kaznu zatvora čije trajanje odnosno ostatak trajanja po uračunatom pritvoru ili oproštenoj kazni iznosi:

- do jedne godine – u okružnom zatvoru, i
- preko jedne godine – u kazneno-popravnom domu.

Član 4.

Licima osuđenim na kaznu zatvora do tri godine, koja su pozvana radi vršenja vojne dužnosti ili se nalaze na izvršenju takve dužnosti, odlaze se izvršenje kazne na određeno vrijeme a najkasnije do prestanka neposredne ratne opasnosti odnosno završetka rata, osim ako su osuđeni za krivična djela protiv osnova društvenog uređenja i bezbjednosti Republike Bosne i Hercegovine, za krivična djela protiv čovječnosti i međunarodnog prava, ili ako su višestruki povratnici.

Član 5.

Licima osuđenim na kaznu zatvora do tri godine, koja se nalaze na izdržavanju kazne zatvora, a pozvana su radi vršenja vojne dužnosti, prekida se izvršenje kazne zatvora na određeno vrijeme, a najkasnije do prestanka neposredne ratne opasnosti odnosno završetka rata, osim ako su im te kazne izrečene zbog krivičnih djela protiv osnova društvenog uređenja i bezbjednosti Republike Bosne i Hercegovine, protiv čovječnosti i međunarodnog prava, ili ako su višestruki povratnici.

O prekidu iz stava 1. ovog člana odlučuje upravnik kazneno-popravne organizacije.

Član 6.

Vlada Republike Bosne i Hercegovine (u daljem tekstu: Vlada) može odrediti da se za lica osuđena na kaznu zatvora za određena krivična djela i u određenom trajanju, kao i za lica koja se već nalaze na izdržavanju kazne zatvora, odgodi odnosno prekine izdržavanje kazne zatvora na određeno vrijeme, a najkasnije do prestanka neposredne ratne opasnosti odnosno završetka rata, ako ocijeni da je to u interesu odbrane i bezbjednosti zemlje.

Član 7.

Osuđeno lice kome je izvršenje kazne odloženo ili prekinuto po bilo kom osnovu, kao i lica koje se nalazi na uslovnom otpustu, može se uputiti na izdržavanje cijele ili dijela kazne, ako se na slobodi ponaša suprotno interesima odbrane i bezbjednosti zemlje.

Odluku iz prethodnog stava donosi organ određen Zakonom.

Član 8.

Osuđeno lice može se premjestiti iz jedne u drugu kazneno-popravnu organizaciju samo po službenoj dužnosti i bez pribavljanja mišljenja kazneno-popravne organizacije.

Član 9.

Kategorizaciju kazneno-popravnih organizacija utvrđuje Vlada na predlog ministra za pravosuđe i upravu (u daljem tekstu: ministar).

Član 10.

U izuzetnim prilikama, a naročito kada to nalažu interesi bezbjednosti ministar može za određeni period obustaviti davanja svih ili pojedinih prava i pogodnosti osuđenim licima predviđenih zakonom, drugim opštim propisima i aktom.

Član 11.

Osuđenom licu na izdržavanju kazne zatvora mogu se uskratiti određena prava i pogodnosti utvrđene Zakonom, drugim propisom i opštim aktom ukoliko se ocijeni da je to u interesu odbrane i bezbjednosti zemlje.

Odluku, o smislu odredbe stava 1. ovog člana donosi upravnik kazneno-popravne organizacije.

Član 12.

Kada to zahtijevaju interesi odbrane i bezbjednosti zemlje, upravnik kazneno-popravne organizacije može i bez saglasnosti Ministarstva za pravosuđe i upravu (u daljem tekstu: Ministarstvo) uputiti određena osuđena lica na rad izvan kazneno-popravne organizacije.

Član 13.

Odredbe Zakona o naknadama za rad osuđenih lica, kao i odredbe o obrazovanju osuđenih lica ne primjenjuju se.

Član 14.

Odredbe čl. 10. do 13. ove uredbe shodno se primjenjuju i na lica kojima je izrečena kazna maloljetničkog zatvora.

Član 15.

Lice kažnjeno u prekršajnom postupku žalbu na rješenje o odlaganju izvršenja kazne zatvora može podnijeti predsjedniku osnovnog suda na čijem se području nalazi opštinski sud za prekršaje koji je odlučivao u prvom stepenu.

Član 16.

Prema stepenu obezbjeđenja i ograničenja slobode osuđenih lica i mjerama koje se primjenjuju u postupanju s tim licima, sve kazneno-popravnne organizacije su zatvorenog tipa.

Član 17.

Unutrašnju organizaciju kazneno-popravne organizacije utvrđuje upravnik kazneno-popravne organizacije, uz shodnu primjenu Odluke o utvrđivanju uslova o privremenoj unutrašnjoj organizaciji i raspoređivanju radnika ministarstava, drugih republičkih organa uprave i republičkih upravnih organizacija za vrijeme neposredne ratne opasnosti (»Službeni list RBiH«, broj 5/92).

Na pravilnik o unutrašnjoj organizaciji kazneno-popravne organizacije saglasnost daje Ministarstvo.

Član 18.

Izuzetno, na rad u kazneno-popravnju organizaciju može se rasporediti i lice koje nema položen odgovarajući stručni ispit.

Član 19.

Upravnik i zamjenik upravnika kazneno-popravne organizacije kojima je za vrijeme trajanja neposredne ratne opasnosti odnosno za vrijeme rata isteklo vrijeme na koje su postavljeni, ostaju na tim dužnostima i nakon toga, a najkasnije do prestanka neposredne ratne opasnosti odnosno završetka rata.

Član 20.

Odredbe Zakona o prijemu radnika na rad putem javnog konkursa i javnog oglasa o pripravniciima i pripravnikom sta-

žu i stručnim ispitima radnika u kazneno-popravnim organizacijama ne primjenjuju se.

Član 21.

Ministar može, kada to interesi službe zahtijevaju i dok takva potreba traje, upućivati na rad radnike iz jedne u drugu kazneno-popravnju organizaciju na teritoriji Republike.

Član 22.

Novčana kazna izrečena u krivičnom ili prekršajnom postupku, neće se prinudno izvršiti niti zamjenjivati u kaznu zatvora do prestanka neposredne ratne opasnosti odnosno završetka rata ako se odnosno lice nalazi na vršenju vojne dužnosti ili je pozvano radi njenog vršenja.

Član 23.

Mjera bezbjednosti upućivanja na boravak u određeno mjesto izvršava se u jednom od naseljenih mjesta.

Odluku o naseljenim mjestima u kojima će se izvršavati ova mjera bezbjednosti donosi Ministarstvo za unutrašnje poslove.

Mjeru bezbjednosti iz stava 1. ovog člana izvršava Ministarstvo za unutrašnje poslove.

Član 24.

Lice prema kome je izrečena mjera bezbjednosti upućivanja na boravak u određeno mjesto nakon izdržane kazne zatvora, bez odlaganja javlja se stanici javne bezbjednosti prema prebivalištu odnosno boravištu tog lica radi izvršenja ove mjere.

Stanica javne bezbjednosti iz stava 1. ovog člana upućuje lice prema kome je izrečena mjera bezbjednosti na boravak u određeno mjesto odmah, a najkasnije u roku od tri dana.

Nadzor nad izvršenjem mjere iz stava 1. ovog člana vrši Ministarstvo za unutrašnje poslove.

Član 25.

Radnike, opremu, inventar i druge stvari, arhivu i dokumentaciju, sredstva za rad, sredstva fondova i drugu pokretnu imovinu Kazneno-popravnog doma u Butmiru koji prestaje sa radom, preuzima Okružni zatvor u Sarajevu.

Član 26.

Ova uredba stupa na snagu danom objavljivanja u »Službenom listu Republike Bosne i Hercegovine«.

PR. broj: 1178/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

116

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O ROKOVIMA U SUDSKIM POSTUPCIMA I UPRAVNOM POSTUPKU ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Rokovi za podnošenje tužbe u parničnom postupku, privatne tužbe ili optužnog prijedloga u krivičnom postupku, prijedloga za pokretanje vanparničnog ili izvršnog postupka, kao i rokovi za podnošenje zahtjeva za pokretanje upravnog postupka, odnosno za podnošenje tužbe u upravnom sporu za vrijeme neposredne ratne opasnosti ili za vrijeme ratnog stanja prestaju teći za lica ili protiv lica na vojnoj dužnosti ili dužnosti koja je od neposrednog značaja za odbranu zemlje.

Član 2.

Rokovi za izjavljivanje pravnih lijekova ili za preduzimanje drugih procesnih radnji prestaju teći u pogledu postupka i lica iz člana 1. ove uredbe.

Član 3.

Nije dozvoljeno sprovođenje izvršenja sudskih odluka u imovinsko-pravnim odnosima, kao i odluka donesenih u upravnom postupku u pogledu lica iz člana 1. ove uredbe.

Odredba prethodnog stava ne odnosi se na odluke po osnovu zakonskog izdržavanja ili iz radnog odnosa.

Član 4.

Ova uredba stupa na snagu danom objavljivanja u »Službenom listu Republike Bosne i Hercegovine«.

PR. broj 1179/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

117

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENJIVANJU ZAKONA O OPŠTEM UPRAVNOM POSTUPKU KOJI JE PREUZET KAO REPUBLIČKI ZAKON, ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Zakon o opštem upravnom postupku koji je preuzet kao republički zakon Uredbom sa zakonskom snagom o preuzimanju Zakona o opštem upravnom postupku u Republici Bosni i Hercegovini (u daljem tekstu: Zakon - »Službeni list RBiH«, broj 2/92) primjenjuje se za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Dostavljanje podnesaka, odnosno pisama vrši organ i preko drugih ovlaštenih lica.

Dostavljanje se vrši svakog dana, po pravilu, danju, a noću - ako je to neophodno.

Smatra se da je lično dostavljanje izvršeno i kad je pismeno uručeno punoljetnom članu domaćinstva, koji je dužan da primi pismeno.

Član 3.

Vojnim licima i radnicima milicije pozivi se dostavljaju preko nadležnog vojnog organa, odnosno organa u kome je radnik milicije zaposlen, koji će odlučiti, s obzirom na interes te službe, da li će pozvanom licu omogućiti da se odazove pozivu.

Član 4.

Ako je u pitanju veći broj lica koja organu nisu poznata ili koja se ne mogu odrediti, kao i u drugim slučajevima u kojima dostavljanje nije moguće izvršiti na drugi način, dostavljanje će se izvršiti javnim saopštenjem na oglasnoj tabli organa koji je pismeno izdao. Smatra se da je dostavljanje izvršeno po isteku osam dana od dana isticanja javnog saopštenja na oglasnoj tabli.

Član 5.

Prijedlog za povraćaj u predašnje stanje može se podnijeti i nakon isteka roka od tri mjeseca od dana propuštanja, ako stranka dokaže da iz objektivnih razloga nije mogla podnijeti prijedlog u propisanom roku.

Prijedlog se može podnijeti u roku od trideset dana od dana prestanka okolnosti iz prethodnog stava.

Član 6.

Činjenice i okolnosti koje su značajne za donošenje rješenja, organ koji vodi postupak utvrđuje, po pravilu, u skraćenom postupku.

Izuzetno od odredbe prethodnog stava, činjenice i okolnosti koje su značajne za donošenje rješenja mogu se utvrditi i u posebnom ispitnom postupku, ako to uslovi dozvoljavaju i ako je to, s obzirom na prirodu odnosne upravne stvari, neophodno.

Član 7.

Usmeno rješenje donosi se u jednostavnim upravnim stvarima ako se zahtjev stranke u cjelini uvažava.

U slučaju iz stava 1. ovog člana organ će o usmeno objavljenom rješenju izdati stranci rješenje u pismenom obliku samo ako to zahtijeva stranka.

Član 8.

Obrazloženje rješenja, po pravilu, sadrži kratko izlaganje zahtjeva stranaka i pozivanje na pravne propise na osnovu kojih je stvar riješena.

Član 9.

Žalba protiv rješenja može se podnijeti neposredno višem organu u roku od osam dana od dana dostavljanja rješenja.

Žalba protiv rješenja donesenog u prvom stepenu ne zadržava izvršenje rješenja, osim ako je ovom uredbom drukčije određeno.

Prvostepeni ili drugostepeni organ koji je nadležan za rješavanje po žalbi može odgoditi izvršenje rješenja do donošenja rješenja po žalbi ako za to postoje opravdani razlozi, odnosno ako bi izvršenjem rješenja nastupila nepopravljiva šteta i ako odlaganje izvršenja rješenja ne bi ugrozilo interese bezbjednosti zemlje, ljudi i imovine u većem obimu.

Član 10.

Protiv zaključaka je dozvoljena posebna žalba samo u slučajevima u kojima se odlučuje o sporednim pitanjima koja se ne rješavaju rješenjem.

Posebna žalba protiv zaključaka ne zadržava izvršenje zaključaka.

Posebna žalba protiv zaključaka podnosi se u roku od tri dana od dana dostavljanja zaključaka.

Izuzetno od odredbe stava 2. ovog člana, drugostepeni organ koji je nadležan za rješavanje po žalbi može odgoditi izvršenje zaključka do donošenja rješenja po žalbi, ako za to postoje opravdani razlozi.

Član 11.

Odredbe zakona koje se odnose na mijenjanje i poništavanje rješenja u vezi sa upravnim sporom, na poništavanje i uklanjanje rješenja po pravu nadzora, na uklanjanje i mijenjanje pravosnažnog rješenja uz pristanak ili po zahtjevu stranke i na oglašavanje rješenja ništavnim ne primjenjuju se za vrijeme neposredne ratne opasnosti ili ratnog stanja.

Član 12.

Zahtjev za zaštitu zakonitosti može se podići i nakon isteka šest mjeseci od dana dostavljanja rješenja stranci.

Član 13.

Ako do dana stupanja na snagu ove uredbe nije u upravnom postupku doneseno pravosnažno rješenje, dalji postupak će se sprovođenje prema odredbama ove uredbe.

Član 14.

Ova uredba stupa na snagu danom objavljivanja u »Službenom listu Republike Bosne i Hercegovine«.

PR. broj 1180/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

118

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O NEPRIMJENJIVANJU ZAKONA O UPRAVNIM SPOROVIMA KOJI JE PREUZET KAO REPUBLIČKI ZAKON, ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Zakon o upravnim sporovima koji je preuzet kao republički zakon Uredbom sa zakonskom snagom o preuzimanju Zakona o upravnim sporovima (»Službeni list RBiH«, broj 2/92), neće se primjenjivati za vrijeme neposredne ratne opasnosti ili za vrijeme ratnog stanja, osim odredaba koje se odnose na upravne stvari u kojima žalba nije dopuštena ili nadležni organ po zahtjevu ili žalbi stranke nije donio odgovarajući akt.

Član 2.

Rokovi predviđeni u Zakonu o upravnim sporovima prestaju teći za vrijeme neposredne ratne opasnosti ili za vrijeme ratnog stanja.

Član 3.

Ova uredba stupa na snagu danom objavljivanja u »Službenom listu Republike Bosne i Hercegovine«.

PR. broj 1181/92
2. juni 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

119

Na osnovu Amandmana LI tačka 5. stav 3. na Ustav Republike Bosne i Hercegovine Predsjedništvo Republike Bosne i Hercegovine na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENI KRIVIČNOG ZAKONA REPUBLIKE BOSNE I HERCEGOVINE I KRIVIČNOG ZAKONA SOCIJALISTIČKE FEDERATIVNE REPUBLIKE JUGOSLAVIJE KOJI JE PREUZET KAO REPUBLIČKI ZAKON ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Krivični zakon Republike Bosne i Hercegovine i Krivični zakon Socijalističke Federativne Republike Jugoslavije koji je preuzet kao republički zakon Uredbom sa zakonskom snagom o preuzimanju Krivičnog zakona Socijalističke Federativne Republike Jugoslavije (»Službeni list RBiH«, broj 2/92) primjenjuje se i za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Sud može učiniocu krivičnog djela, prilikom izricanja uslovne osude, istovremeno izreći i radnu obavezu na objektima od posebnog društvenog značaja, koja ne može biti duža od visine uslovno utvrđene kazne zakona.

Uslovna osuda sa radnom obavezom ne može se izreći vojnom licu.

Član 3.

Učiniocu krivičnog djela mogu se izreći kao sporedne kazne:

1. prestanak vršenja određenih poslova ili funkcija u organima društveno-političkih zajednica, drugim državnim organima, preduzećima i drugim pravnim licima,
2. prestanak radnog odnosa ili prestanak vršenja određenog zvanja, poziva ili zanimanja,
3. gubitak čina vojnog starješine ili klase vojnog službenika,
4. oduzimanje odlikovanja,
5. zabrana vršenja određenih poslova ili funkcija u organima društveno-političkih zajednica, drugim državnim organima, preduzećima i drugim pravnim licima,
6. zabrana istupanja u štampi, na radiju, televiziji ili javnim skupovima, zabrana vršenja izdavačke djelatnosti ili zabrana učestvovanja u osnivanju udruženja ili političkih organizacija,
7. zabrana sticanja određenog zvanja, poziva ili zanimanja ili unapređenja u službi,
8. zabrana sticanja određenih dozvola ili odobrenja koja se daju odlukom državnih organa.

Sporedna kazna gubitka čina vojnog starješine ili klase vojnog službenika može se izreći uz kaznu zatvora dužu od tri godine.

Sporedne kazne iz stava 1. ovog člana, koje se sastoje u zabranama sticanja određenih prava, izriču se u trajanju do deset godina od dana izdržane, oprostene ili zastarjele kazne.

Član 4.

Odredbe Krivičnog zakona Socijalističke Federativne Republike Jugoslavije o pravnim posljedicama neće se primjenjivati na osuđeno lice koje je za vrijeme ratnog stanja ili u slučaju neposredne ratne opasnosti izrečena jedna ili više sporednih kazni iz člana 3. ove uredbe.

Član 5.

Učiniocu krivičnog djela može se izreći mjera bezbjednosti upućivanja na boravak u određeno mjesto.

Mjera bezbjednosti iz stava 1. ovog člana može se izreći učiniocu krivičnog djela protiv osnova društvenog uređenja i bezbjednosti Republike Bosne i Hercegovine, protiv čovječnosti ili međunarodnog prava i protiv oružanih snaga Republike Bosne i Hercegovine, u trajanju od šest mjeseci do tri godine.

Mjera upućivanja na boravak u određeno mjesto izvršava se poslije izdržane kazne.

Mjera upućivanja na boravak u određeno mjesto ne može se izreći vojnom licu koje je osuđeno na kaznu zatvora do tri godine.

Član 6.

Zastarijevanje krivičnog gonjenja i izvršenja ne teče za vrijeme trajanja neposredne ratne opasnosti ili za vrijeme ratnog stanja ako se učinilac krivičnog djela krije ili nije dostupan državnim organima.

Član 7.

Za krivična djela protiv službene i druge odgovorne dužnosti, za koje je zakonom propisana kazna zatvora najmanje pet godina, učinilac će se kazniti zatvorom najmanje pet godina ili smrtnom kaznom, a ako je zakonom propisana kazna zatvora najmanje tri godine, učinilac će se kazniti zatvorom od tri do petnaest godina.

Član 8.

Lice kojem je povjerena određena dužnost po propisima o odbrani ili koje podliježe obavezi služenje u civilnoj zaštiti, službi osmatranja, javljanja, obavještanja i uzbunjivanja ili obavezi obuke za sticanje vojnih znanja i vještina, radnoj obavezi ili obavezi evakuacije, kazniće se kao učinilac krivičnog djela protiv oružanih snaga, i to: neizvršenja i odbijanja izvršenja naredjenja; protivljenja pretpostavljenom; neodazivanja pozivu i izbjegavanja vojne službe onesposobljavanjem ili obmanom; protivzakonitog oslobodenja od vojne službe i samovoljnog udaljenja i bjekstva iz oružanih snaga, ako učini neko od navedenih djela u pogledu navedenih dužnosti i obaveza i ako su nastupile ili su mogle nastupiti teže štetne posljedice.

Član 9.

Službeno ili odgovorno lice u državnom organu, ustanovi, preduzeću ili drugom pravnom licu koje, protivno svojoj dužnosti u ratu, ne naredi da se izvrši sklanjanje, evakuacija ili podjela stanovništvu namirnica, stoke, robe široke potrošnje, zaliha sirovina, odnosno koje ne naredi njihovo uništenje ili evakuaciju, odnosno oštećenje ili uništenje važnog postrojenja, uređaja, objekta ili drugog sredstva, pa usljed toga oni padnu u ruke neprijatelja, kazniće se zatvorom od jedne do deset godina.

Kaznom iz prethodnog stava kazniće se službeno i odgovorno lice u državnom organu, ustanovi, preduzeću ili drugom pravnom licu koje protivno planu odbrane i svojoj dužnosti, ne naredi da se izvrši razmještaj, sklanjanje ili evakuacija na predviđeno područje državnog organa, ustanove, preduzeća ili pravnog lica, odnosno određenih kapaciteta za proizvodnju naoružanja i vojne opreme ili saobraćajno-transportnih sredstava i drugih objekata i dobara određenih planom odbrane.

Kaznom iz stava 1. ovog člana kazniće se službeno i odgovorno lice u državnom organu, ustanovi, preduzeću ili drugom pravnom licu koje, protivno svojoj dužnosti, ne izvrši radnje ili mjere iz st. 1. i 2. ovog člana.

Ako usljed djela st. 1. do 3. ovog člana, nastupe osobito teške posljedice, učinilac će se kazniti zatvorom najmanje pet godina.

Ako su djela iz st. 1. do 3. ovog člana učinjena iz nehata, učinilac će se kazniti zatvorom od jedne do pet godina.

Član 10.

* Službeno ili odgovorno lice koje odugovlačenjem službenih poslova ili propuštanjem ne izvrši službenu dužnost ili na drugi način nesavjesno postupi u vršenju službe iako je znalo ili je moglo znati da zbog toga može nastati poremećaj u pravilnom funkcionisanju državnog organa, kazniće se zatvorom od šest mjeseci do pet godina.

Član 11.

Ova uredba stupa na snagu danom objavljivanja u »Službenom listu Republike Bosne i Hercegovine«.

PR. broj 1182/92
2. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

120

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM**O SREDSTVIMA POMOĆI ZA SANIRANJE
POSLEDICA RATA U REPUBLICI BOSNI I
HERCEGOVINI**

Član 1.

Ovom uredbom uređuje se način formiranja sredstava pomoći iz Republike Bosne i Hercegovine (u daljem tekstu: Republika) i inostranstva za saniranje posljedica rata u Republici.

Član 2.

Sredstva pomoći iz člana 1. ove uredbe vodiće se na odvojenim računima u Republici i inostranstvu.

Račun u Republici otvoriće se kod nadležne službe društvenog knjigovodstva, a u inostranstvu kod banaka ovlaštenih za poslove sa inostranstvom iz Republike.

Član 3.

Ovlašćuje se Ministarstvo za finansije da obavlja sve stručne, tehničke i administrativne poslove vezane za otvaranje računa u Republici i inostranstvu iz čl. 1. i 2. ove uredbe.

Član 4.

Usmjeravanje sredstava pomoći vršiće se na osnovu odluka Vlade Republike Bosne i Hercegovine (u daljem tekstu: Vlada) za svaki konkretan slučaj, a na predlog nadležnog ministarstva, odnosno organa, zavisno od prirode uplate i namjene korištenja sredstava.

Ministarstva, odnosno organi iz stava 1. ovog člana dužni su u roku od 30 dana od dana stupanja na snagu ove uredbe predložiti kriterije i prioritete iz svoje oblasti za usmjeravanje sredstava pomoći koje će, za svaku posebnu oblast usvojiti Vlada.

Član 5.

Isplatu sredstava pomoći, u skladu sa ovom uredbom, vršiće Ministarstvo za finansije na osnovu odluke Vlade.

Član 6.

Namjensku kontrolu trošenja ovih sredstava vršiće nadležna ministarstva, odnosno organi, po oblastima, a finansijsku i dokumentarnu kontrolu Služba društvenog knjigovodstva Bosne i Hercegovine i Narodna banka Bosne i Hercegovine.

Član 7.

Svi računi otvoreni za namjene iz čl. 1. i 2. ove uredbe, koji nisu otvoreni u skladu sa odredbama ove uredbe, neće se smatrati računima Republike za saniranje posljedica rata u Republici.

Član 8.

Ova uredba stupa na snagu danom objavljivanja u »Službenom listu RBiH«.

PR broj 1184/92
6. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

121

Na osnovu Amandana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM**O IZMJENAMA I DOPUNAMA ZAKONA O REDOVNIM
SUDOVIMA**

Član 1.

U Zakonu o redovnim sudovima (»Službeni list SRBiH«, br. 19/86, 25/88. i 33/89) član 1. mijenja se i glasi:

»Redovni sudovi (u daljem tekstu: sudovi) su organi državne vlasti, koji vrše sudsku funkciju u granicama svoje nadležnosti utvrđene ustavom i zakonom.«

Član 2.

Član 3. mijenja se i glasi:

»Sudovi su u vršenju sudske funkcije nezavisni i sude na osnovu ustava i zakona.«

Član 3.

U članu 7. stav 3. briše se.

Član 4.

U članu 11. u stavu 1. riječi: »i radnih ljudi« brišu se.

Član 5.

U članu 13. iza riječi »ustavom« zarez se briše i dodaje riječ »i«, a iza riječi »zakonom« stavlja se tačka i preostali dio teksta briše se.

Član 6.

U članu 14. st. 1. i 2. mijenjaju se i glase:

»Sudiće se biraju bez ograničenja trajanja mandata.

Predsjednici sudova biraju se na četiri godine i mogu biti birani ponovno na istu funkciju.»

Član 7.

Član 17. mijenja se i glasi:

»Sudija ne može biti poslanik u Skupštini RBiH niti može vršiti službu ili posao koji su nespojivi sa sudijskom funkcijom.«

Član 8.

Iza člana 17. dodaje se novi član 17a, koji glasi:

»Član 17a.

Sudije kao i radnici suda koje odredi Vlada Republike Bosne i Hercegovine (u daljem tekstu: Vlada RBiH) ne mogu vršiti funkciju u političkoj organizaciji.

Sudija u vršenju sudijske funkcije i radnici suda u vršenju poslova i zadataka u sudu ne mogu se rukovoditi svojim političkim ubjedenjima, ili ta ubjedenja izražavati i zastupati.«

Član 9.

U članu 33. stav 2. mijenja se i glasi:

»Odluku o održavanju sudskih dana donosi Vlada RBiH na predlog Ministarstva za pravosuđe i upravu (u daljem tekstu: Ministarstvo) a po prethodno pribavljenom mišljenju skupštine one opštine na čijem se području nalazi mjesto u kome treba da se sudski dan održava.«

Član 10.

U članu 34. stav 1. u tački 1) u podtački d) iza riječi: »društveno-političke zajednice« dodaje se riječ: »preduzeća«, a iza riječi u zagradi: »Službeni list SFRJ« br. 4/77, 36/80, 69/82. i 58/84«, dodaju se riječi: »koji je preuzet kao republički zakon«.

U podtački e) iza riječi: »društveno-politička zajednica«, dodaje se riječ »preduzeće«.

Iza podtačke e) dodaje se nova podtačka f) koja glasi:

»f) u sporovima koji proizilaze iz međusobnih privrednih odnosa imalaca radnji i drugih pojedinaca koji u vidu registrovanog zanimanja obavljaju neku privrednu djelatnost odnosno iz međusobnih privrednih odnosa tih lica i društveno-političke zajednice, preduzeća, organizacije udruženog rada, samoupravne interesne zajednice ili druge samoupravne organizacije i zajednice, ako se radi o sporu iz nadležnosti sudije pojedinca.«

Član 11.

U članu 38. stav 1. tačka 1. podtačka b) mijenja se i glasi:

»b) za krivična djela iz člana 128. st. 3. i 4., člana 129. st. 1, 2. i 4, čl. 132. do 138, člana 145. st. 3. i 4, člana 141, 149. i 150, člana 150a, člana 152, člana 155 b. stav 4, čl. 161, 163. i 164. i čl. 201. do 239. (krivična djela protiv oružanih snaga) i člana 241. st. 1, 4. i 5. Krivičnog zakona Socijalističke Federativne Republike Jugoslavije (»Službeni list SFRJ«, br. 44/76, 36/77, 56/77, 34/84, 37/84, 74/87, 55/89, 3/90, 38/90 i 45/90) koji je preuzet kao republički zakon Uredbom sa zakonskom snagom o preuzimanju Krivičnog zakona Socijalističke Federativne Republike Jugoslavije (»Službeni list RBiH«, broj 2/92).«

U podtački e) iza riječi: »društveno-političke zajednice«, dodaje se riječ »preduzeća«, a iza riječi »Zakona o parničnom postupku« dodaju se riječi: »koji je preuzet kao republički zakon«.

U podtački f) iza riječi: »društveno-politička zajednica« dodaje se riječ »preduzeće«, a iza riječi »Zakona o parničnom postupku« dodaju se riječi: »koji je preuzet kao republički zakon«.

Iza podtačke f) dodaju se nove podtačke g) i h) koje glase:

»g) u sporovima koje proizilaze iz međusobnih privrednih odnosa imalaca radnji i drugih pojedinaca koji u vidu registrovanog zanimanja obavljaju neku privrednu djelatnost odnosno iz međusobnih odnosa tih lica i društveno-političke zajednice, preduzeća, organizacije udruženog rada, samoupravne interesne zajednice ili druge samoupravne organizacije i zajednice, ako se radi o sporu iz nadležnosti vijeća.

h) u statusno-privrednim sporovima u kojima su obje strane društveno-političke zajednice, preduzeća, organizacije ud-

ruženog rada, samoupravne interesne zajednice i druge samoupravne organizacije i zajednice, odnosno u kojima je jedna stranka društveno-politička zajednica, preduzeće, organizacija udruženog rada, samoupravna interesna zajednica i druga samoupravna organizacija i zajednica, a druga stranka inostrano pravno ili fizičko lice.«

Dosadašnje podtačke g) do j) postaju podtačke i) do l).

Iza tačke 12. dodaje se nova tačka 12a, koja glasi:

»12a) da vode registar preduzeća i drugih pravnih lica za koja je to zakonom određeno.«

Član 12.

U članu 42. stav 2. mijenja se i glasi:

»Na akta sudova iz prethodnog stava saglasnost daje ministar za pravosuđe i upravu.«

Član 13.

U članu 59. stav 1. alineja 6. briše se.

Član 14.

Član 78. mijenja se i glasi:

»Ministarstvo sprovodi postupak i odlučuje povodom zahtjeva oštećenog za naknadu štete po odredbama člana 542. Zakona o krivičnom postupku – Prečišćeni tekst (»Službeni list SFRJ«, br. 26/86, 74/87 i 57/89) koji je preuzet kao republički zakon.«

Član 15.

U članu 81. u stavu 2. riječi: »sudija i« brišu se.

Član 16.

U članu 83. u stavu 1. riječi »koji je po svojim radnim i ljudskim kvalitetima dostojan ugledu sudijske funkcije i koji se zalaže za razvijanje socijalističkih samoupravnih društvenih odnosa« zamjenjuju se riječima: »po postupku kojim se obezbjeđuje sposobnost za vršenje sudijske funkcije i nezavisnost sudije u suđenju«.

U stavu 2. riječi: »koji je po svojim radnim i ljudskim kvalitetima dostojan ugleda sudijske funkcije i koji se zalaže za razvijanje socijalističkih samoupravnih odnosa« zamjenjuju se riječima: »po postupku kojim se obezbjeđuje sposobnost za vršenje sudijske funkcije i nezavisnost sudije u suđenju«.

Stav 3. mijenja se i glasi:

»Za sudiju Vrhovnog suda može biti biran državljani Republike BiH diplomirani pravnik sa položenim pravosudnim ispitom, koji se istakao kao pravni stručnjak, po postupku kojim se obezbjeđuje sposobnost za vršenje sudijske funkcije i nezavisnost sudije u suđenju.«

U st. 1. i 2. riječi: »jugoslovenski državljani« zamjenjuju se riječima: »državljanin Republike Bosne i Hercegovine«.

Član 17.

U članu 84. stav 1. mijenja se i glasi:

»Za sudiju porotnika može biti biran državljani Republike BiH koji je punoljetan, po postupku kojim se obezbjeđuje sposobnost za vršenje sudijske funkcije i nezavisnost u suđenju.«

Član 18.

U članu 86. iza stava 2. dodaje se novi stav 3. koji glasi:

»Ako se predlogom kandidata za sudiju ne obezbjeđuje srazmjerna zastupljenost u sudu u skladu sa članom 20. stav 1. Ustavnog zakona za sprovođenje Amandmana LIX – LXXIX na Ustav Republike Bosne i Hercegovine (»Službeni list SR-BiH«, br. 21/90. i 29/90), Skupština RBiH odbiće glasanje o tom predlogu.«

Dosadašnji stav 3. postaje stav 4.

Član 19.

U članu 88. stav 1. riječ »delegatom« zamjenjuje se riječju »poslanikom«.

Član 20.

U članu 91. na kraju alineje 5. briše se zarez i dodaju riječi »ili se nakon izbora utvrdi da su nastupile okolnosti zbog kojih nema uslova za dalje vršenje sudijske funkcije«.

Alineja 7. mijenja se i glasi:

» - ako se utvrdi da vrši funkciju u političkoj organizaciji ili se u vršenju sudijske funkcije rukovodi svojim političkim ubjedenjima ili ta ubjedenja izražava i zastupa.«

Član 21.

U članu 94. alineja 5. mijenja se i glasi:

» - ako se utvrdi da se u vršenju sudijske funkcije rukovodi svojim političkim ubjedenjima, izražava i zastupa ili ako se ustanovi da sudijsku funkciju neuredno vrši.«

Član 22.

Član 97. mijenja se i glasi:

»Odluka o razrješenju od dužnosti sudije iz razloga predviđenih u članu 91. u alinejama 3. 7. i 8. ovog zakona i sudije porotnika iz razloga predviđenih u članu 94. u alinejama 2. i 5. ovog zakona može se donijeti samo ako je prethodno sproveden postupak za utvrđivanje razloga za razrješenje i ako je u tom postupku sudiji odnosno porotniku omogućeno da se izjasni o tom razlogu.«

Član 23.

U članu 102. u stavu 2. riječi: »ili se ne zalaže za razvijanje socijalističkih samoupravnih društvenih odnosa« zamjenjuju se riječima: »ili vrši funkciju u političkoj organizaciji ili se u vršenju sudijske funkcije rukovodi svojim političkim ubjedenjima ili ta ubjedenja izražava i zastupa«.

U stavu 3. riječi: »prethodnog stava« zamjenjuju se riječima: »stava 1. ovog člana«.

Član 24.

U članu 14. stav 3. riječi: »Skupštine Socijalističke Republike Bosne i Hercegovine« zamjenjuju se riječima: »Republike Bosne i Hercegovine«, a riječi: »Skupština SRBiH« u zagradi i u članu 32a. st. 1. i 2., članu 59. stav 1. alineja 5., članu 77. stav 2. članu 81. stav 1., članu 82. st. 1. i 2., članu 86. st. 1. i 2. članu 88. stav 1. članu 93. stav 1., članu 96. stav 1. članu 98. stav 1. i članu 105. stav 2. u različitim padežima zamjenjuju se riječima »Skupština R BiH« u odgovarajućem padežu.

Član 25.

U čl. 22. i 23. član 32. stav 1., članu 36. stav 3. i članu 106. st. 1. i 2. riječi: »Socijalistička Republika Bosna i Hercegovina« u različitim padežima zamjenjuju se riječima: »Republika Bosna i Hercegovina« u odgovarajućem padežu.

Član 26.

U članu 33. stav 2. riječi »Izvršno vijeće Skupštine Socijalističke Republike Bosne i Hercegovine«, zamjenjuju se riječima »Vlada Republike Bosne i Hercegovine«, a riječi »Izvršno vijeće« u zagradi i u članu 42. stav 2., članu 80. članu 92. stav 2. članu 113. članu 133. i u članu 136. stav 3. Zakona o izmjenama i dopunama Zakona o redovnim sudovima (»Službeni list SRBiH« broj 33/89) u različitim padežima zamjenjuju se riječima »Vlada R BiH« u odgovarajućem padežu.

Član 27.

U članu 33. stav 2. riječi »Republičkog sekretarijata za pravosuđe i upravu«, zamjenjuje se riječima »Ministarstva za pravosuđe i upravu« a riječi »Republički sekretarijat« u zagradi i u članu 70., stav 2. članu 71. stav 2. članu 74. stav 1. članu 75. st. 1. i 2., članu 76., članu 77. st. 1. i 2. i čl. 87. i 99., u različitim padežima, zamjenjuju se riječju »Ministarstvo« u odgovarajućem padežu.

Član 28.

U članu 40. u tački 16. riječ »Duvno« zamjenjuje se riječju »Tomislavgrad«, u tački 35. riječ »Lištica« zamjenjuje se riječima »Široki Brijeg«, a u tački 50. riječ »Pucarevo« zamjenjuje se riječima »Novi Travnik«.

U članu 41. u tački 4. riječ »Lištica« zamjenjuje se riječima »Široki Brijeg«, a riječ »Duvno« riječju »Tomislavgrad«.

Član 29.

U članu 72. stav 3. riječi: »republički sekretar za pravosuđe i upravu« zamjenjuju se riječima: »ministar za pravosuđe i up-

ravu«, a riječi: »republički sekretar« u zagradi i u članu 76. st. 1. i 2., članu 80. stav 1., članu 86. st. 2. i 3., članu 98. st. 1. i 4., i članu 104. stav 3., u različitim padežima zamjenjuju se riječju »ministar« u odgovarajućem padežu.

Član 30.

U članu 101. stav 2. i članu 102. stav 3. riječi: »Komisija za kadrovska pitanja Skupštine SRBiH« zamjenjuju se riječima: »Komisija za izbor i imenovanje Skupštine R BiH«.

Član 31.

Sudiji i sudiji porotniku koji nije državljanin Republike Bosne i Hercegovine prestaje funkcija po sili zakona ako u roku od tri mjeseca po prestanku neposredne ratne opasnosti ili ratnog stanja ne stekne ovo državljanstvo, u skladu sa zakonom.

Član 32.

Ovlašćuje se Zakonodavno-pravna komisija Skupštine R BiH da utvrdi Prečišćeni tekst Zakona o redovnim sudovima.

Član 33.

Ova uredba stupa na snagu danom objavljivanja u »Službenom listu R BiH«.

PR. broj 1185/92
3. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

122

Na osnovu Amandmana LI, tačka 5. stav 3. na Ustav R BiH, Predsjedništvo Republike BiH, na predlog Vlade Republike BiH, donosi

UREDBU SA ZAKONSKOM SNAGOM

O PRIMJENI ZAKONA O DRŽAVNOJ UPRAVI ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Zakon o državnoj upravi - Prečišćeni tekst (»Službeni list SRBiH«, br. 8/90, 22/90, 10/91 i 14/91) i »Službeni list R BiH«, broj 4/92 - u daljem tekstu: Zakon) primjenjuje se za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Funkcioneri koji rukovode organom uprave ili upravnom organizacijom, njihovi zamjenici, rukovodeći radnici i radnici sa posebnim ovlaštenjima iz prethodnog stava ostaju na tim dužnostima odnosno poslovima i zadacima iako im za vrijeme trajanja neposredne ratne opasnosti ili ratnog stanja istekne vrijeme na koje su imenovani odnosno postavljeni, a najdalje tri mjeseca po prestanku okolnosti iz člana 1. ove uredbe.

Član 3.

Funkcioner koji rukovodi organom uprave ili upravnom organizacijom odlučuje o zasnivanju radnog odnosa radnika i izriče disciplinske mjere za povrede radne dužnosti.

U slučaju iz stava 1. ovog člana ne primjenjuju se odredbe Zakona o zasnivanju radnog odnosa, osim odredaba čl. 237. i 238, odredbe o sprovođenju javnog konkursa i javnog oglasa, kao i odredbe o postupku za utvrđivanje disciplinske odgovornosti radnika.

Na rješenje funkcionera o prestanku radnog odnosa radnika može se izjaviti žalba izvršnom organu društveno-političke zajednice u roku od tri dana.

Član 4.

Odredbe Zakona o pravima neraspoređenih radnika i radnika na raspolaganju ne primjenjuju se.

Član 5.

Na upravnim i drugim stručnim poslovima organa uprave mogu se, izuzetno, raspoređivati i lica koja nemaju stručni ispit za radnike organa uprave i predviđeno radno iskustvo.

Član 6.

Odredbe Zakona o samoupravljanju radnika u radnim zajednicama organa uprave ne primjenjuju se.

Član 7.

Odredbe Zakona o pripravnicima ne primjenjuju se.

Član 8.

Ova uredba stupa na snagu danom objavljivanja u »Službenom listu RBiH«.

PR broj 1186/92
2. juna 1992.
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

123

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM**O PRIMJENI ZAKONA O JAVNOM TUŽILAŠTVU ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA**

Član 1.

Zakon o javnom tužilaštvu (u daljem tekstu: Zakon) - »Službeni list SRBiH«, br. 11/86, 25/88, 33/89 i »Službeni list RBiH«, broj 6/92) primjenjuje se i za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Javna tužilaštva osnovana Zakonom nastavljaju sa radom i u slučaju neposredne ratne opasnosti ili za vrijeme ratnog stanja.

Član 3.

Unutrašnju organizaciju u javnom tužilaštvu utvrđuje javni tužilac (broj zamjenika i ostalih radnika), uz shodnu primjenu Odluke o privremenoj unutrašnjoj organizaciji ministarstava, drugih republičkih organa i republičkih upravnih organizacija za vrijeme neposredne ratne opasnosti (»Službeni list RBiH«, broj 5/92).

Na pravilnike o unutrašnjoj organizaciji javnih tužilaštava saglasnost daje ministar za pravosuđe i upravu.

Član 4.

Javni tužioci i njihovi zamjenici, kojima je do dana stupanja na snagu ove uredbe isteklo vrijeme na koje su imenovani ili kojima će to vrijeme isteći za vrijeme neposredne ratne opasnosti ili za vrijeme rata, ostaju na tim dužnostima najdalje tri mjeseca po prestanku okolnosti iz člana 1. ove uredbe.

Član 5.

Za javnog tužioca i zamjenika javnog tužioca može se, izuzetno, imenovati lice koje nema položen pravosudni ispit.

Član 6.

Javni tužilac i njegov zamjenik mogu, osim iz zakonom predviđenih razloga, biti razriješeni od dužnosti i iz drugih opravdanih razloga.

Javni tužilac i njegov zamjenik mogu biti udaljeni od dužnosti ako je pokrenut postupak za njihovo razrješenje od dužnosti.

Rješenje o udaljenju od dužnosti javnih tužilaca i njihovih zamjenika donosi republički javni tužilac, a za republičkog javnog tužioca - Predsjedništvo Republike Bosne i Hercegovine.

Član 7.

Republički javni tužilac može svoje zamjenike, više i osnovne javne tužioce i njihove zamjenike, upućivati na rad iz jednog u drugo javno tužilaštvo na teritoriji Republike BiH, ako to potrebe službe zahtijevaju.

Član 8.

Odredbe Zakona o pripravnicima neće se primjenjivati.

Član 9.

Ova uredba stupa na snagu danom objavljivanja u »Službenom listu RBiH«.

PR broj 1187/92
3. juna 1992.
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

124

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM**O IZMJENAMA I DOPUNAMA ZAKONA O JAVNOM PRAVOBRANILAŠTVU**

Član 1.

U Zakonu o javnom pravobranilaštvu (»Službeni list SRBiH«, br. 2/89 i 33/89) u članu 3. riječi: »organizacije udruženog rada i druge samoupravne organizacije i zajednice« zamjenjuju se riječima: »preduzeća i druga pravna lica«.

U stavu 2. riječi: »organizacije i zajednice« zamjenjuju se riječima: »preduzeća i druga pravna lica«.

Član 2.

U članu 5. riječi: »(Službeni list SRBiH«, br. 38/78, 13/82, 40/82, 40/84 i 12/87)« zamjenjuju se riječima: »Prečišćeni tekst - (»Službeni list SRBiH«, br. 8/90, 22/90, 10/91 i 14/91) i (»Službeni list RBiH«, broj 4/92)«.

Član 3.

U članu 6. iza stava 1. dodaje se novi stav 2. koji glasi: »Javno pravobranilaštvo vrši poslove pravne zaštite imovinskih prava i interesa javnih preduzeća i drugih pravnih lica koje osniva društveno-politička zajednica, kad je to aktom o osnivanju predviđeno«.

Član 4.

U članu 8. stav 1. mijenja se i glasi: »Javno pravobranilaštvo preduzima pravne radnje i pravna sredstva radi zaštite društvene svojine pred sudovima i drugim nadležnim organima kad je stvar bez pravnog osnova prestala da bude društveno sredstvo, kao i u drugim slučajevima zaštite društvene svojine kada je na to ovlašteno zakonom«.

Član 5.

U članu 12. riječi: »zaštita i korišćenja društvenih sredstava i dobara od opšteg interesa« zamjenjuju se riječima: »prava i obaveze prema sredstvima u državnoj svojini«.

Član 6.

U članu 13. stav 2. mijenja se i glasi: »Organi i organizacije iz stava 1. ovog člana dužni su pribaviti pravno mišljenje javnog pravobranilaštva prije zaključenja ugovora o kupoprodaji, zamjeni, zakupu, prenosu na priređeno ili trajno korišćenje stvari, uz naknadu ili bez naknade, ugovora o koncesiji, ugovora o građenju i udruživanju sredstava«.

va za građenje, kao i drugih ugovora kojima se pribavljaju stvari ili raspolaže stvarima odnosno materijalnim pravima».

Iza stava 2. dodaje se novi stav 3. koji glasi:

»Kada je predmet ugovora iz stava 2. ovog člana pokretna stvar čija vrijednost ne prelazi desetostruki iznos prosječnog ličnog dohotka u Republici, nije obavezno pribavljanje pravnog mišljenja javnog pravobranilaštva.

Dosadašnji st. 3. i 4. postaju st. 4. i 5.

Član 7.

U članu 15. riječi: »samoupravnim organizacijama i zajednicama« zamjenjuju se riječima: »drugim pravnim licima«.

Član 8.

U članu 17. u stavu 2. riječi: »društvenim pravobraniocem samoupravljanja« se brišu, a riječi: »organizacijama udruženog rada i drugim samoupravnim organizacijama i zajednicama« zamjenjuju se riječima: »preduzećima i drugim pravnim licima«.

Član 9.

U članu 18. u stavu 1. riječ »Socijalističkoj« briše se.

Član 10.

U članu 19. u stavu 2. riječi: »Socijalističke Federativne Republike Jugoslavije« zamjenjuju se riječima: »Republike Bosne i Hercegovine«.

Iza stava 2. dodaje se novi stav 3. koji glasi:

»Ako se predlogom kandidata za javnog pravobranioca i njegovog zamjenika ne obezbjeđuje srazmjerna zastupljenost u javnom pravobranilaštvu u skladu sa članom 201. stav 1. Ustavnog zakona za sprovođenje Amandmana LIX-LXXIX na Ustav Republike Bosne i Hercegovine («Službeni list SR BiH», br. 21/90 i 29/90), skupština društveno-političke zajednice glasaće o tom predlogu«.

Član 11.

U članu 24. riječi: »organizacije udruženog rada i druge samoupravne organizacije i zajednice« zamjenjuju se riječima: »preduzeća i druga pravna lica«.

Član 12.

U članu 25. u zagradi iza broja 58/84 stavlja se zarez, a riječi: »i 74/87« zamjenjuju se riječima 74/87, 57/89 i 20/90 i dodaju riječi: »koji je preuzet Uredbom sa zakonskom snagom o preuzimanju Zakona o parničnom postupku («Službeni list RBiH», broj 2/92)«.

Član 13.

U članu 26. u st. 1. i 2. riječ »SFRJ« zamjenjuje se riječima: »Republika Bosna i Hercegovina«, a riječi: »organizacijama udruženog rada ili u drugim samoupravnim organizacijama i zajednicama« riječima: »preduzećima ili u drugim pravnim licima«.

Član 14.

U članu 27. u stavu 1. riječ »SFRJ« zamjenjuje se riječima: »Republika Bosna i Hercegovina«, a iza riječi »pravnik« dodaje se riječi: »sa položenim pravosudnim ispitom«. U st. 2. i 3. riječ »SFRJ« zamjenjuje se riječima: »Republike Bosne i Hercegovine«, a riječi: »organizacijama udruženog rada ili u drugim samoupravnim organizacijama i zajednicama« riječima: »preduzećima ili u drugim pravnim licima«.

Član 15.

Član 29. mijenja se i glasi:

»Javni pravobranilac se imenuje na četiri godine i može se ponovo imenovati na istu funkciju.

Zamjenik, odnosno pomoćnik javnog pravobranioца imenuje se, odnosno postavlja bez ograničenja trajanja mandata«.

Član 16.

U članu 30. u stavu 3. broj »159« zamjenjuje se brojem »181«.

Član 17.

U članu 31. u stavu 2. u drugom i trećem redu riječ »delegata« zamjenjuje se riječima: »odbornika, odnosno poslanika«, a riječi: »u društveno-političkim i društvenim organizacijama« zamjenjuju se riječima: »u udruženjima, društvenim i političkim organizacijama«.

Član 18.

Iza člana 31. dodaje se novi član 31a, koji glasi:

»Član 31a

Javni pravobranilac, njegov zamjenik i pomoćnik, kao i radnici koje odredi izvršni organ društveno-političke zajednice ne mogu vršiti funkciju u političkoj organizaciji.

Javni pravobranilac, njegov zamjenik, pomoćnik i radnici, u vršenju poslova i zadataka u javnom pravobranilaštvu ne mogu se rukovoditi svojim političkim ubjedenjima, niti ih mogu izražavati i zastupati«.

Član 19.

U članu 33. na kraju teksta tačka se zamjenjuje zarezom i dodaju riječi: »da obavlja funkciju u političkoj organizaciji i da se u vršenju funkcije rukovodi svojim političkim ubjedenjima ili ih izražava i zastupa«.

Član 20.

U članu 36. u stavu 1. u alineji 3. broj »288« zamjenjuje se brojem »324«.

Član 21.

U članu 39. riječi: »socijalističkog samoupravnog« brišu se, a riječi: »Socijalističke Federativne Republike Jugoslavije« zamjenjuju se riječima - »Republike Bosne i Hercegovine«.

Član 22.

U članu 42. u stavu 3. riječi: »br. 19/86 i 25/88« zamjenjuju se riječima: »19/86, 25/88 i 33/89 i «Službeni list RBiH», broj 5/92.«

Član 23.

Član 46. briše se.

Član 24.

U članu 49. riječ »Socijalističke« briše se.

Član 25.

U članu 50. riječi: »republički sekretar« zamjenjuje se riječju »ministar«.

Član 26.

U članu 52. u stavu 2. riječ »Socijalističke« briše se, a riječi: »Izvršnog vijeća Skupštine Socijalističke« zamjenjuju se riječju »Vlade«.

Član 27.

U članu 55. riječi: »republički sekretar« zamjenjuju se riječju »ministar«.

Član 28.

U članu 10. stav 1, članu 21. st. 1. i 2. članu 28. stav 1, članu 32. stav 3, članu 35. stav 1, članu 38. stav 3. i članu 43. st. 1. i 2. riječ »skupština« u različitom padežu, briše se.

Član 29.

Javnom pravobraniocu, njegovom zamjeniku ili pomoćniku koji nije državljanin Republike Bosne i Hercegovine prestaje funkcija po sili zakona ako u roku od tri mjeseca po prestanku neposredne ratne opasnosti ili ratnog stanja ne stekne državljanstvo u skladu sa zakonom.

Član 30.

Ova uredba stupa na snagu danom objavljivanja u »Službenom listu RBiH«.

PR broj 1188/92
3. 6. 1992.
Sarajevo

Predsjednik
Predsjedništva RBiH
Alija Izetbegović, s. r.

125

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM**O PRIMJENI ZAKONA O PREKRŠAJIMA ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA**

Član 1.

Zakon o prekršajima (u daljem tekstu: Zakon) – (»Službeni list SRBiH«, br. 19/86, 42/87, 33/89, 2/90 i 22/91) primjenjuje se za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Funkciju sudova za prekršaje vrše: opštinski sudovi za prekršaje i Republički sud za prekršaje.

Član 3.

Unutrašnju organizaciju u sudu za prekršaje utvrđuje predsjednik suda (broj sudija i ostalih radnika), uz shodnu primjenu Odluke o utvrđivanju uslova o privremenoj unutrašnjoj organizaciji i raspoređivanju radnika ministarstava, drugih republičkih organa uprave i republičkih upravnih organizacija za vrijeme neposredne ratne opasnosti (»Službeni list RBiH«, broj 5/92).

Na pravilnike o unutrašnjoj organizaciji opštinskih sudova za prekršaje saglasnost daje izvršni organ opštine, a na pravilnik o unutrašnjoj organizaciji Republičkog suda za prekršaje – Ministarstvo za pravosuđe i upravu.

Član 4.

Sudija za prekršaje kojem je do dana stupanja na snagu ove uredbe isteklo vrijeme na koje je biran ili kome će to vrijeme isteci za vrijeme neposredne ratne opasnosti ili za vrijeme rata, ostaje na toj dužnosti najdalje tri mjeseca po prestanku okolnosti iz člana 1. ove uredbe.

Član 5.

Sudija za prekršaje može, osim iz Zakonom predviđenih razloga, biti razriješen dužnosti i iz drugih opravdanih razloga.

Ako je pokrenut postupak za razrješenje je od dužnosti sudije za prekršaje odnosno predsjednika suda, organ nadležan za razrješenje može donijeti odluku o udaljenju od dužnosti tog sudije odnosno predsjednika suda.

Rješenje o udaljenju od dužnosti sudije za prekršaje donosi predsjednik suda, a o udaljenju od dužnosti predsjednika suda organ nadležan za izbor i imenovanje.

Član 6.

Za sudiju za prekršaje može, izuzetno, biti izabrano i lice koje nema položen pravosudni ispit odnosno ispit za sudiju za prekršaje.

Član 7.

Ministar za pravosuđe i upravu može, ako to potreba službe zahtijeva, upućivati sudije za prekršaje i druge radnike opštinskog suda za prekršaje iz jednog opštinskog suda za prekršaje u drugi opštinski sud za prekršaje.

Član 8.

Odredbe Zakona o pripravnicima ne primjenjuju se.

Član 9.

Ova uredba stupa na snagu danom objavljivanja u »Službenom listu RBiH«.

PR broj 1189/92
3. juna 1992. godine
Sarajevo

Predsjednik
Predsjedništva RBiH
Alija Izetbegović, s. r.

126

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM**O PRIMJENI ZAKONA O JAVNOM PRAVOBRANILAŠTVU ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA**

Član 1.

Zakon o javnom pravobranilaštvu (»Službeni list SRBiH«, br. 2/89 i 33/89) i (»Službeni list RBiH«, br. 6/92), primjenjuje se u slučaju neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Republičko javno pravobranilaštvo nastavlja sa radom za vrijeme neposredne ratne opasnosti ili za vrijeme ratnog stanja.

Član 3.

Unutrašnju organizaciju Republičkog javnog pravobranilaštva utvrđuje republički javni pravobranilac (broj zamjenika, pomoćnika i ostalih radnika) uz shodnu primjenu Odluke o utvrđivanju uslova o privremenoj unutrašnjoj organizaciji i raspoređivanju radnika ministarstava, drugih republičkih organa uprave i republičkih upravnih organizacija za vrijeme neposredne ratne opasnosti (»Službeni list RBiH«, br. 5/92).

Na Pravilnik o unutrašnjoj organizaciji Republičkog javnog pravobranilaštva saglasnost daje ministar za pravosuđe i upravu.

Član 4.

Javni pravobranilci, njihovi zamjenici i pomoćnici kojima je do dana stupanja na snagu ove uredbe isteklo vrijeme na koje su imenovani, odnosno postavljeni ili kojima će to vrijeme isteci za vrijeme neposredne ratne opasnosti ili za vrijeme rata, ostaju na tim dužnostima najdalje tri mjeseca po prestanku okolnosti iz člana 1. ove uredbe.

Član 5.

Za javnog pravobranilca, njegovog zamjenika i pomoćnika izuzetno može biti imenovano, odnosno postavljeno lice koje nema položen pravosudni ispit.

Član 6.

Odredbe čl. 15, 16, 42. i 49. Zakona o javnom pravobranilaštvu ne primjenjuju se.

Član 7.

Ako skupština opštine odluči da prestane sa radom opštinsko odnosno međuopštinsko javno pravobranilaštvo za vrijeme neposredne ratne opasnosti ili za vrijeme ratnog stanja, poslove ovih pravobranilaštava obavljaće opštinski organ uprave određen odlukom skupštine opštine.

Član 8.

Ova uredba stupa na snagu danom objavljivanja u »Službenom listu RBiH«.

PR broj 1190/92
3. juna 1992. godine
Sarajevo

Predsjednik
Predsjedništva RBiH
Alija Izetbegović, s. r.

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENJIVANJU ZAKONA O PARničNOM POSTUPKU KOJI JE PREUZET KAO REPUBLICKI ZAKON, ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Zakon o parničnom postupku koji je preuzet kao republički zakon Uredbom sa zakonskom snagom o preuzimanju Zakona o parničnom postupku (u daljem tekstu: Zakon) - (»Službeni list RBiH«, broj 2/92) primjenjuje se i za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Sudija pojedinac sudi sporove o imovinsko-pravnim zahtjevima i privredne sporove, ako vrijednost predmeta spora ne prelazi 150.000 dinara.

Član 3.

Vrhovni sud Bosne i Hercegovine odlučuje u svim slučajevima u vijeću sastavljenom od trojice sudija.

Član 4.

U sporovima protiv Republike Bosne i Hercegovine iz odnosa sa vojnim ustanovama isključivo je nadležan sud po mjestu nastanka tog spora.

Član 5.

U svim sporovima punomoćnik preduzeća ili drugog pravog lica može biti svako lice koje je potpuno poslovno sposobno osim lica koje se bavi nadriparstvom.

Član 6.

Prijedlog za povraćaj u predašnje stanje može se podnijeti i nakon isteka rokova predviđenih u Zakonu ako stranka dokaže da je propuštanje nastalo zbog okolnosti u vezi sa neposrednom ratnom opasnošću ili ratnim stanjem.

Prijedlog iz stava 1. ovog člana mora se podnijeti u roku od 30 dana od dana prestanka okolnosti zbog kojih je propuštanje nastalo.

Član 7.

Vojnim licima, radnicima milicije i radnicima u kazneno-popravnim organizacijama pozivi se dostavljaju preko nadležnog vojnog organa, odnosno drugog organa u kojem je radnik zaposlen, koji će odlučiti, s obzirom na interese te službe, da li će pozvanom licu omogućiti odazivanje na poziv. Ako pozvanom licu ne omogući odazivanje na poziv iz opravdanog razloga organ će o tome obavijestiti sud.

Član 8.

Ako sud nije u mogućnosti da postupi po određenom predmetu zbog okolnosti uslovljenih neposrednom ratnom opasnošću ili ratnim stanjem donijet će rješenje o prekidu postupka u tom predmetu.

Protiv rješenja iz stava 1. ovog člana nije dozvoljena žalba. O prestanku razloga iz stava 1. ovog člana sud obavještava stranku.

U slučaju iz stava 1. ovog člana prestaju da teku rokovi za preduzimanje određenih radnji u postupku.

Član 9.

Ako se ročište odgodi, a novo ročište se drži pred izmijenjenim vijećem, glavna rasprava se nastavlja, a zapisnici o već izvedenim dokazima će se pročitati.

Član 10.

Rok za izjavljivanje žalbe protiv presuda donesenih u svim sporovima je osam dana, a protiv rješenja tri dana, od dana dostavljanja presude, odnosno rješenja.

Protiv rješenja dozvoljena je posebna žalba samo ako se tim rješenjem okončava postupak.

Član 11.

Drugostepeni sud odlučuje o žalbi bez rasprave.

Član 12.

Odlučivanje po vanrednim pravnim lijekovima u svim sporovima odlaže se.

Rokovi predviđeni za vanredne pravne lijekove prestaju teći.

Član 13.

U građansko-pravnim sporovima primjenjivaće se odredbe postupka u sporovima male vrijednosti koje se odnose na sadržinu zapisnika o glavnoj raspravi, objavljivanju i dostavljanju presuda, kao i odredbe postupka o privrednim sporovima koje se odnose na ovlaštenje predsjednika vijeća da u hitnim slučajevima zakaže ročište telefonom ili telegramom i da donese odluku o sporu bez zakazivanja ročišta.

Član 14.

Postupak u sporovima male vrijednosti provodi se u privrednim sporovima i sporovima u kojima se službeni zahtjev odnosi na potraživanje u novcu koje ne prelazi iznos od 15.000 dinara.

Član 15.

U privrednim sporovima o žalbi protiv odluke sudije pojedinca odlučuje vijeće sastavljeno od trojice sudija.

Član 16.

Ako do dana stupanja na snagu ove uredbe nije donesena pravosnažna odluka, postupak će se nastaviti prema odredbama ove uredbe.

Član 17.

Ova uredba stupa na snagu danom objavljivanja u »Službenom listu RBiH«.

PR broj 1191/92
3. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O IZMJENAMA I DOPUNAMA ZAKONA O JAVNOM TUŽILAŠTVU

Član 1.

U Zakonu o javnom tužilaštvu (»Službeni list SRBiH«), br. 19/86, 25/88 i 33/89) u članu 2. iza riječi »zakona« zarez se zamjenjuje tačkom, a preostali dio teksta briše se.

Član 2.

U članu 3. stav 1. riječi: »Skupštinu Socijalističke Republike Bosne i Hercegovine« zamjenjuju se riječima »Skupštinu Republike Bosne i Hercegovine«.

Član 3.

U članu 3. stav 2. riječi u zagradi »Skupština SRBiH« i u članu 3. stav 2, članu 27, s. 1, 2, i 5, članu 30. st. 1. i 2, članu 32,

članu 35. i članu 38. stav 2, u različitim padežima zamjenjuju se riječima »Skupština RBiH« u odgovarajućem padežu.

Član 4.

U članu 8. stav 4. mijenja se i glasi:

»Viši javni tužilac ima pravo i dužnost da rizičnom javnom tužilaštvu sa područja višeg javnog tužilaštva daje obavezna uputstva za njegov rad.«

Član 5.

U članu 18. u stavu 1. riječi: »(»Službeni list SFRJ«, br. 4/74 i 14/85)« zamjenjuju se riječima: »Prečišćeni tekst (»Službeni list SFRJ«, br. 26/86, 74/87 i 57/89), koji je preuzet kao republički zakon.

Član 6.

U članu 19. iza riječi »postupku« dodaju se riječi: »koji je preuzet kao republički zakon«.

Član 7.

U članu 21. riječi: »Socijalističke Republike Bosne i Hercegovine«, zamjenjuju se riječima: »Republike Bosne i Hercegovine«.

Član 8.

U članu 26. u stavu 1. riječi: »koji je po svojim radnim i ljudskim kvalitetima dostojan ugleda javnotužilačke funkcije i koji se zalaže za razvijanje socijalističkih samoupravnih društvenih odnosa«, zamjenjuju se riječima: »po postupku kojim se obezbjeđuje sposobnost za vršenje javnotužilačke funkcije.«

U stavu 2. riječi: »koji je po svojim radnim i ljudskim kvalitetima dostojan ugleda javno-tužilačke funkcije i koji se zalaže za razvijanje socijalističkih samoupravnih društvenih odnosa« zamjenjuju se riječima: »po postupku kojim se obezbjeđuje sposobnost za vršenje javno-tužilačke funkcije.«

Stav 3. mijenja se i glasi:

»Za republičkog javnog tužioca i njegovog zamjenika može biti imenovan državljani Republike Bosne i Hercegovine, diplomirani pravnik sa položenim pravosudnim ispitom koji se istakao kao pravni stručnjak po postupku kojim se obezbjeđuje sposobnost za vršenje javno-tužilačke funkcije.«

U st. 1. i 2. riječi: »Jugoslavenski državljani« zamjenjuju se riječima: »državljanin Republike Bosne i Hercegovine.«

Član 9.

U članu 27. stav 3. riječi: »Socijalistička Federativna Republika Jugoslavija« zamjenjuju se riječima: »Republika Bosna i Hercegovina«.

U st. 5. i 6. riječi: »republički sekretar za pravosuđe i upravu« u različitim padežima, zamjenjuju se riječima: »ministar za pravosuđe i upravu« u odgovarajućem padežu.

Iza stava 5. dodaje se novi stav 6, koji glasi:

»Ako se predlog kandidata za javnog tužioca i njegovog zamjenika ne obezbjeđuje srazmjerna zastupljenost u tužilaštvu u skladu sa članom 20. stav 2. Ustavnog zakona za sprovođenje Amandmana LIX-LXXXIX na Ustav Republike Bosne i Hercegovine (»Službeni list SRBiH«, br. 21/90 i 29/90), Skupština RBiH odbiće glasanje o tom predlogu.«

Dosadašnji stav 6. postaje stav 7.

Član 10.

Član 29. mijenja se i glasi:

»Javni tužioci imenuju se na četiri godine i mogu biti imenovani ponovo na istu funkciju.

Zamjenici javnih tužilaca imenuju se bez ograničenja trajanja mandata«.

Član 11.

U članu 30. u stavu 1. riječ »delegatom« zamjenjuje se »poslanikom«.

Član 12.

U članu 31. stav 3. briše se.

Član 13.

Član 32. mijenja se i glasi:

»Javni tužilac i njegovi zamjenici ne mogu biti poslanici u

Skupštini RBiH, niti vršiti službu ili posao koji je neopojiv sa javnotužilačkom funkcijom«.

Član 14.

Iza člana 32. dodaje se novi član 32 a, koji glasi:

»Član 32a

Javni tužilac i njegov zamjenik kao i radnici u javnom tužilaštvu koje odredi Vlada Republike Bosne i Hercegovine (u daljem tekstu: Vlada RBiH) ne mogu vršiti funkciju u političkoj organizaciji.

Javni tužilac i njegov zamjenik u vršenju javnotužilačke funkcije i radnici javnog tužilaštva u vršenju poslova i zadatka u javnom tužilaštvu ne mogu se rukovoditi svojim političkim ubjedenjima, niti ih mogu izražavati i zastupati«.

Član 15.

U članu 33. alineja 5. mijenja se i glasi:

» - ako se utvrdi da nije imao uslova da bude imenovan za javnog tužioca, odnosno njegovog zamjenika ili se nakon imenovanja utvrdi da su nastupile okolnosti zbog kojih nema uslova za dalje vršenje javno-tužilačke funkcije«.

Alineja 6. mijenja se i glasi:

» - ako se utvrdi da vrši funkciju u političkoj organizaciji ili se u vršenju javno-tužilačke funkcije rukovodi svojim političkim ubjedenjima ili ta ubjedenja izražava i zastupa«.

Član 16.

U članu 34. u stavu 2. riječi: »Izvršno vijeće Skupštine SR-BiH zamjenjuju se riječima: »Vlada RBiH«, a riječi u zagradi: Izvršno vijeće »zamjenjuje se riječju »Vlada«.

Član 17.

U članu 39. u stavu 2. riječi: »se ne zalaže za razvijanje socijalističkih samoupravnih društvenih odnosa« zamjenjuju se riječima: »obavlja funkciju u političkoj organizaciji ili se u vršenju javno-tužilačke funkcije rukovodi svojim političkim ubjedenjima ili ta ubjedenja izražava i zastupa«.

U stavu 3. riječi: »Komisija za kadrovska pitanja Skupštine SRBiH«, zamjenjuju se riječima: »Komisija za izbor i imenovanje Skupštine RBiH«.

Član 18.

U članu 45. stav 2. mijenja se i glasi:

»Na akt javnih tužilaštava iz prethodnog stava saglasnost daje min star za pravosuđe i upravu«.

Član 19.

U članu 47. u tački a) u podtački 16) riječ »Duvnu« zamjenjuje se riječju »Tomislavgradu«, a u podtački 29. riječ »Lišić« zamjenjuje se riječima »Širokom Brijegu«.

Član 20.

U čl. 14. i 17. Zakona o izmjenama i dopunama Zakona o javnom tužilaštvu (»Službeni list SRBiH«, broj 33/89) riječi: »Izvršno vijeće« u različitim padežima, zamjenjuju se riječima: »Vlada RBiH« u odgovarajućem padežu.

Član 21.

Javnom tužiocu i njegovom zamjeniku koji nije državljani Republike Bosne i Hercegovine prestaje funkcija po sili zakona ako u roku od tri mjeseca po prestanku neposredne ratne opasnosti ili ratnog stanja ne stekne državljanstvo, u skladu sa zakonom.

Član 22.

Ovlašćuje se Zakonodavno-pravna komisija Skupštine RBiH da utvrdi Prečišćeni tekst Zakona o javnom tužilaštvu.

Član 23.

Ova uredba stupa na snagu danom objavljivanja u »Službenom listu RBiH«.

PR broj 1192/92

3. 6. 1992.

Sarajevo

Predsjednik

Predsjedništva RBiH

Alija Izetbegović, s. r.

129

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENI ZAKONA O REDOVNIM SUDOVIMA ZA VRIJEME NEPOSREDNE RATNE OPASNOSTI ILI ZA VRIJEME RATNOG STANJA

Član 1.

Zakon o redovnim sudovima (u daljem tekstu: Zakon) - («Službeni list SRBiH», br. 19/86, 25/88 i 33/89 i «Službeni list RBiH», broj 6/92) primjenjuje se i za vrijeme neposredne ratne opasnosti ili za vrijeme ratnog stanja, ako ovom uredbom nije drukčije određeno.

Član 2.

Funkciju redovnih sudova vrše: osnovni sudovi, viši sudovi i Vrhovni sud Bosne i Hercegovine, koji su osnovani Zakonom.

Član 3.

Unutrašnju organizaciju u sudu utvrđuje predsjednik suda (broj sudija i ostalih radnika), uz shodnu primjenu Odluke o privremenoj unutrašnjoj organizaciji ministarstava, drugih republičkih organa uprave i republičkih upravnih organizacija za vrijeme neposredne ratne opasnosti («Službeni list RBiH», broj 5/92).

Na pravilnike o unutrašnjoj organizaciji sudova saglasnost daje ministar za pravosuđe i upravu.

Član 4.

Sudije i sudije porotnici kojima je do dana stupanja na snagu ove uredbe isteklo vrijeme na koje su izabrani, ili kojima na to vrijeme ističe za vrijeme neposredne ratne opasnosti ili za vrijeme rata, ostaju na tim dužnostima najdalje tri mjeseca po prestanku okolnosti iz člana 1. ove uredbe.

Član 5.

Sudije i sudije porotnici mogu, osim iz Zakonom predviđenih razloga, biti razriješeni od dužnosti i iz drugih opravdanih razloga.

Sudija odnosno predsjednik suda mogu biti udaljeni od dužnosti ako je pokrenut postupak za njihovo razrješenje od dužnosti.

Rješenje o udaljenju od dužnosti sudije donosi predsjednik suda, o udaljenju predsjednika - predsjednik neposredno višeg suda, a o udaljenju od dužnosti predsjednika Vrhovnog suda Bosne i Hercegovine - Predsjedništvo Republike Bosne i Hercegovine.

Član 6.

Za sudije može, izuzetno, biti izabrano i lice koje nema položen pravosudni ispit.

Član 7.

Ministar za pravosuđe i upravu može, ako to potreba službe zahtijeva, upućivati sudije i druge radnike suda na rad iz jednog u drugi sud na teritoriji Republike Bosne i Hercegovine, a predsjednik višeg suda iz jednog u drugi sud na području tog suda.

Član 8.

Odredbe Zakona o pripravnici neće se primjenjivati.

Član 9.

Opštinski sudovi za prekršaje preuzimaju od viših sudova rješavanje privrednih prestupa prema odredbama o mjesnoj nadležnosti utvrđenoj zakonom.

Član 10.

Ova uredba stupa na snagu danom objavljivanja u «Službenom listu RBiH».

PR broj 1193/92
3. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

130

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PRIMJENI ZAKONA O NARODNOJ BANCİ BOSNE I HERCEGOVINE ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI

Član 1.

Ovom uredbom utvrđuje se organizacija i poslovanje Narodne banke Bosne i Hercegovine (u daljem tekstu: Narodna banka) za vrijeme ratnog stanja ili u slučaju neposredne ratne opasnosti.

Član 2.

Zakon o Narodnoj banci Bosne i Hercegovine («Službeni list RBiH», broj 2/92) primjenjuje se za vrijeme ratnog stanja ili u slučaju neposredne ratne opasnosti, ako ovom uredbom ili drugim ratnim propisima nije drukčije određeno.

Član 3.

Narodna banka, pored poslova utvrđenih Zakonom o Narodnoj banci:

1. Predlaže kreditni bilans i Odluku o ciljevima i zadacima jedinstvene monetarno-kreditne politike i sprovodi navedena akta;

2. Neposredno ili preko banaka koje nastavljaju sa radom kreditira investicije i proizvodnju naoružanja i vojne opreme, kao i druge potrebe za odbranu zemlje u obimu koji je određen aktima Narodne banke;

3. Odobrava kredite Republici za potrebe ratnog budžeta na osnovu posebnih propisa;

4. Obavlja poslove u vezi sa raspisivanjem unutrašnjih zajmova i prikupljanja sredstava za potrebe Republike;

5. Snabdijeva privredu, oružane snage Republike i stanovništvo potrebnim količinama gotovog novca i potrošačkim kartama;

6. Daje kratkoročne pozajmice društveno-političkim zajednicama, po posebnim propisima;

7. Obavlja devizno poslovanje, kao i poslove platnog prometa sa inostranstvom, u okviru svojih ovlaštenja;

8. Priprema i sprovodi evakuaciju novca, zlata i drugih dragocjenosti kojima rukuje, a koje se nalaze u prometu i u sudskim depozitima;

9. Preduzima potrebne mjere radi zaštite, čuvanja i evakuacije novca, zlata i drugih dragocjenosti na privremeno zaposjednutoj teritoriji, uključujući kao krajnju mjeru njihovo uništenje;

10. Vršiti kontrolu poslovanja banaka koje nastavljaju sa radom u ratu, prikuplja, sređuje, kontroliše, obrađuje i obezbjeđuje podatke za statističke i analitičke poslove iz dinarske i devizne oblasti poslovanja, i

11. Obavlja i druge poslove utvrđene ratnim propisima.

Član 4.

Narodna banka obavlja poslovanje sa sredstvima depozita društveno-političkih zajednica na način koji utvrdi Vlada.

Član 5.

Narodnom bankom rukovodi guverner Narodne banke. Poslove iz nadležnosti Savjeta Narodne banke, saglasno

odredbama Zakona o Narodnoj banci Bosne i Hercegovine, obavlja guverner Narodne banke ako nema uslova za rad Savjeta Narodne banke.

Po prestanku uslova iz stava 2. ove uredbe, guverner Narodne banke odluke koje je donio podnijeće na potvrdu Savjetu Narodne banke.

Član 6.

Uputstvo za izradu kreditnog bilansa iz člana 3. tačka 1. ove uredbe propisuje guverner Narodne banke, uz saglasnost ministra za finansije.

Član 7.

Ministar za finansije donosi, po potrebi, uputstvo za sprovođenje ove uredbe.

Član 8.

Ova uredba stupa na snagu danom objavljivanja u »Službenom listu RBiH«.

Pr. broj: 1195/92
11. juna 1992. godine
Sarajevo

Predsjednik
Predsjedništva RBiH
Alija Izetbegović, s.r.

131

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O NAPUŠTENIM STANOVIMA

Član 1.

Nosiocu stanarskog prava na osnovu Zakona o stambenim odnosima - Prečišćeni tekst (»Službeni list SRBiH«, br. 14/84 i 12/87) privremeno prestaje pravo korištenja na stanu kojeg koristi ako je stan sa članovima njegovog porodičnog domaćinstva napustio nakon 30. aprila 1990. godine.

Član 2.

Napuštenim stanom smatra se stan kojeg su nosilac stanarskog prava i članovi njegovog porodičnog domaćinstva koji zajedno trajno žive i stanuju, napustili i privremeno prestali da ga koriste.

Napuštenim stanom, u smislu ove uredbe, smatra se i stan ako je u stanu pronađeno oružje ili municija za koje se ne može u skladu sa zakonom dobiti odgovarajuće odobrenje kao i stan iz kojeg je dejstvovano na nezakonit način.

Član 3.

Ne smatra se napuštenim stanom onaj stan kojeg je nosilac stanarskog prava sa članovima njegovog porodičnog domaćinstva napustio pod prisilom agresora u cilju etničkog iseljavanja stanovništva sa određenog područja ili u ostvarivanju agresorskih ciljeva.

Ne smatra se napuštenim stanom stan koji je srušen, zapaljen ili je bio neposredno ugrožen ratnim dejstvima (prijetnja likvidacije života, fizičko maltretiranje, protjerivanje od strane agresora i drugi slični razlozi).

Neće se smatrati napuštenim stanom i stan kojeg su nosilac stanarskog prava i članovi njegovog domaćinstva koji zajedno trajno žive i stanuju, ponovo otpočeti koristiti po stupanju na snagu ove uredbe u roku od sedam dana nosioci stanarskog prava koji se nalaze na teritoriji RBiH, a u roku od 15 dana nosioci stanarskog prava koji se nalaze izvan teritorije RBiH.

Član 4.

Inicijativu za pokretanje postupka za utvrđivanje da se stan smatra napuštenim, može dati državni organ, politička organizacija, društvena organizacija, udruženje građana i kućni savjet stambene zgrade.

Na prijedlog nadležnog organa za potrebe odbrane opštinski organ uprave nadležan za stambene poslove utvrđuje koji

se stanovi bivše JNA u smislu odredaba člana 2. ove uredbe smatraju napuštenim.

Član 5.

Opštinski organ uprave nadležan za stambene poslove će po službenoj dužnosti ili u roku od sedam dana od prijema prijedloga, odnosno inicijative iz člana 4. ove uredbe donijeti rješenje o tome da li se stan smatra napuštenim.

Ako nadležni organ iz stava 1. ovog člana ne donese rješenje u određenom roku, rješenje će donijeti ministar prostornog uređenja, građevinarstva i zaštite okoline (u daljem tekstu: ministar).

Protiv rješenja iz stava 1. ovog člana može se izjaviti žalba Ministarstvu prostornog uređenja, građevinarstva i zaštite okoline.

Žalba ne odlaže izvršenje rješenja.

Protiv rješenja iz stava 2. ovog člana nije dopuštena žalba, ali se može pokrenuti upravni spor.

Član 6.

Stanovi za koje se rješenjem nadležnog organa iz člana 5. st. 1. i 2. ove uredbe utvrdi da su napušteni popisat će se, zapečatiti i o njima će se voditi evidencija.

Ministar odbrane i ministar prostornog uređenja, građevinarstva i zaštite okoline će donijeti propis o popisu, pečačenju i evidenciji napuštenih stanova u roku od osam dana od dana stupanja na snagu ove uredbe.

Član 7.

Stan za koji je rješenjem iz člana 5. ove uredbe utvrđeno da se smatra napuštenim može se dodijeliti na privremeno korištenje aktivnom učesniku u borbi protiv agresora na Republiku Bosnu i Hercegovinu, i licu koji je zbog dejstva neposredne ratne opasnosti ostao bez stana.

Ovlašćuje se Vlada RBiH da utvrdi kriterije za dodjelu napuštenih stanova na privremeno korištenje na prijedlog Ministarstva odbrane za dodjelu napuštenih stanova iz preuzetog stambenog fonda bivše JNA, a na prijedlog Ministarstva prostornog uređenja, građevinarstva i zaštite okoline za ostale preuzete stanove.

Kriterijima iz stava 2. ovog člana utvrđuje se da se napušteni stanovi bivše JNA iz člana 12. ove uredbe, u pravilu, dodjeljuju na privremeno korištenje pripadnicima Teritorijalne odbrane Bosne i Hercegovine i članovima porodice poginulih boraca u borbi protiv agresora na Republiku Bosnu i Hercegovinu.

Član 8.

Privremeno korištenje stana može trajati najduže jednu godinu od dana prestanka neposredne ratne opasnosti.

Nadležni organ ovlašten za kontrolu korištenja stanova nakon što izvrši popis stvari i namještaja u stanu, rješenjem će odrediti da se popisane stvari i namještaj smjeste u jednu od najmanjih prostorija u stanu radi čuvanja i tu prostoriju zaključati i propisno zapečatiti.

Privremeni korisnik stana dužan je nakon proteka roka privremenog korištenja stana napustiti stan i staviti ga na raspolaganje organu koji mu je taj stan dodijelio, slobodan od lica i stvari, u ispravnom stanju.

Ako privremeni korisnik stana ne napusti stan po odredbama stava 3. ovog člana, izvršiće se, u skladu sa zakonom, prinudno iseljenje bez obezbjeđenja nužnog smještaja.

Prinudno iseljenje iz stava 4. ovog člana vrši organ koji je donio rješenje o privremenom korištenju napuštenog stana iz člana 9. ove uredbe.

Žalba protiv rješenja o prinudnom iseljenju ne odlaže izvršenje rješenja.

Član 9.

Davalac napuštenog stana na privremeno korištenje je opštinski organ uprave nadležan za stambene poslove, a u opštinama u kojima ne funkcioniše ovaj organ - Ministarstvo prostornog uređenja, građevinarstva i zaštite okoline, a za stanove bivše JNA - Ministarstvo odbrane.

Član 10.

Kad se proglasi prestanak neposredne ratne opasnosti a nosilac stanarskog prava iz člana 1. ove uredbe u roku iz člana 3. ove uredbe ne otpočne ponovno koristiti stan, smatra se da je stan trajno napustio.

Istekom roka iz stava 1. ovog člana nosiocu stanarskog prava na napuštenom stanu prestaje stanarsko pravo što će se utvrditi rješenjem opštinskog organa uprave nadležnog za stambene poslove.

Član 11.

Na prava i obaveze povodom privremenog korištenja stana na osnovu ove uredbe, shodno će se primjenjivati odredbe Zakona o stambenim odnosima.

Član 12.

Odredbe ove uredbe odnose se i na stanove bivše JNA i drugih saveznih organa koji se nalaze na teritoriji Republike Bosne i Hercegovine.

Odredbe ove uredbe shodno se primjenjuju i na stanove u svojini građana.

Član 13.

Odredbe Zakona o stambenim odnosima o zamjeni stanova ne primjenjuju se za vrijeme trajanja neposredne ratne opasnosti na teritoriji Republike Bosne i Hercegovine, ukoliko posebnom uredbom sa zakonskom snagom nije drukčije određeno.

Član 14.

Ova uredba stupa na snagu danom objavljivanja u »Službenom listu RBiH«.

PR. broj 1197/92
15. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

32

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O SMJEŠTAJU LJUDI I MATERIJALNIH DOBARA ZA VRIJEME NEPOSREDNE RATNE OPASNOSTI ILI RATNOG STANJA

Član 1.

Preduzeća, druga pravna i fizička lica, državni i drugi organi i organizacije, nosioci prava vlasništva ili korištenja poslovnih, upravnih i drugih zgrada koje su pogodne za smještaj ljudi i materijalnih dobara dužni su primiti na privremeni smještaj ljude i materijalna dobra sa područja ugroženog dejstvima agresora, s tim da se tim preduzećima, organima i organizacijama i drugim pravnim licima moraju ostaviti na korišćenje prostorije neophodne za djelovanje u uslovima neposredne ratne opasnosti ili u ratu.

Izuzetno, ako nema mogućnosti da se privremeni smještaj ugroženih ljudi izvrši u zgradi iz stava 1. ovog člana, smještaj se može izvršiti u stanove u društvenoj svojini i svojini građana u skladu i po postupku utvrđenom u Uredbi sa zakonskom snagom o napuštenim stanovima (»Službeni list RBiH«, broj 6/92).

Član 2.

Trajanje privremenog smještaja iz stava 1. člana 1. ove uredbe ne može biti duže od jedne godine od dana početka vršenja privremenog smještaja a iz stava 2. u roku utvrđenom rješenjem po članu 5. stav 2. Uredbe sa zakonskom snagom o napuštenim stanovima.

Član 3.

Na prijedlog nadležnog organa za poslove odbrane i opštinskog organa uprave nadležnog za poslove privrede izvršni odbor opštine utvrdiće u roku od sedam dana od dana prijema prijedloga, koje su poslovne, upravne i druge zgrade iz člana 1. stav 1. ove uredbe, pogodne za smještaj ljudi i materijalnih dobara, o čemu donosi naredbu.

Naredba iz stava 1. ovog člana sadrži podatke o zgradi i prostoru u zgradi u koje se vrši privremeni smještaj, korisniku odnosno vlasniku zgrade, trajanje privremenog smještaja i druge podatke od interesa za efikasno smještanje ljudi i materijalnih dobara.

Član 4.

Na osnovu naredbe iz člana 3. ove uredbe, rješenjem opštinskog organa uprave nadležnog za poslove privrede određuje se u koju se zgradu odnosno dio prostorije u zgradi, smještaju materijalna dobra odnosno ljudi i navode se potrebni podaci o titularu čija se imovina u te prostore smješta, odnosno licu koje se u njih smješta.

Rješenjem iz stava 1. ovog člana utvrdiće se, ukoliko zbog prirode funkcije određene prostorije ili drugih razloga ostaju pokretne stvari u tim prostorijama, način i uslovi za obezbjeđenje i čuvanje tih stvari. Zatečene pokretne stvari u prostorijama

nosilac prava privremenog korištenja tih prostorija ne može koristiti niti s njima raspolagati.

Član 5.

Nosilac prava privremenog korištenja prostorija utvrđenih u članu 4. ove uredbe dužan je nakon proteka roka o pravu privremenog korištenja prostorija iste napustiti i staviti ih na raspolaganje organu koji mu je rješenjem dodijelio te prostorije.

Član 6.

Protiv rješenja iz člana 4. ove uredbe nije dopuštena žalba, ali se može pokrenuti upravni spor.

Izvršenje rješenja iz člana 4. ove uredbe sprovodi se po službenoj dužnosti i bez donošenja zaključka o dozvoli izvršenja rješenja.

Član 7.

Smještaj ljudi i materijalnih dobara na osnovu naredbe iz člana 3. i rješenje iz člana 4. ove uredbe vrši komisija koju zajednički obrazuju opštinski organi uprave nadležni za stambene poslove i za poslove privrede.

Prije smještaja ljudi i materijalnih dobara iz člana 6. ove uredbe, komisija je dužna izvršiti popis zatečenih stvari i druge potrebne imovine u odnosnim zgradama odnosno prostorijama u kojima se vrši privremeni smještaj, i u skladu sa ovom uredbom obezbijediti njihov smještaj.

Član 8.

Zakon o zaštiti od elementarnih nepogoda (»Službeni list SRBiH«, broj 40/90) u pogledu odredbi koje se odnose na smještaj ljudi i materijalnih dobara ugroženih od elementarnih nepogoda, shodno se primjenjuje i na smještaj ljudi i materijalnih dobara prouzrokovan dejstvom agresora, ako odredbama ove uredbe nije drugačije određeno.

Član 9.

Ova uredba stupa na snagu danom objavljivanja u »Službenom listu RBiH«.

PR broj: 1198/92
15. juna 1992. godine
Sarajevo

Predsjednik
Predsjedništva Republike
Bosne i Hercegovine,
Alija Izetbegović, s. r.

133

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM**O PREUZIMANJU SREDSTAVA BIVŠE SOCIJALISTIČKE FEDERATIVNE REPUBLIKE JUGOSLAVIJE U SVOJINU REPUBLIKE BOSNE I HERCEGOVINE****Član 1.**

Društvena sredstva bivše Socijalističke Federativne Republike Jugoslavije, koja su koristili bivša Jugoslovenska narodna armija, savezni organi i savezne organizacije, koja se nalaze na teritoriji Republike Bosne i Hercegovine, postaju svojina Republike Bosne i Hercegovine.

Pod sredstvima iz stava 1. ovog člana smatraju se: nepokretne i pokretne stvari, imovinska prava, novčana sredstva i potraživanja zatečena na računu kod Službe društvenog knjigovodstva Republike Bosne i Hercegovine.

Član 2.

Ministarstvo odbrane, Ministarstvo prostornog uređenja, građevinarstva i zaštite okoline, Ministarstvo za saobraćaj i veze i Republička uprava za geodetske i imovinsko-pravne poslove izvršice popis, utvrđuje evidencije i preuzeti u posjed sredstva iz člana 1. ove uredbe, koje je koristila bivša JNA.

Član 3.

Ministarstvo prostornog uređenja, građevinarstva i zaštite okoline u saradnji sa Ministarstvom odbrane izvršice popis svih nepokretnosti u društvenoj svojini iz člana 1. ove uredbe koje su bile na korišćenju kod saveznih organa i saveznih organizacija a koje nisu obuhvaćene članom 2. ove uredbe, ustrojiti evidenciju i ostvariti kontrolu prava korišćenja istih.

Član 4.

Republička uprava za geodetske i imovinsko-pravne poslove preduzeće sve potrebne radnje radi upisa Republike Bosne i Hercegovine, kao vlasnika nepokretnosti iz člana 1. ove uredbe u evidenciju nekretnina.

Član 5.

Ministarstvo za finansije utvrđuje stanje novčanih sredstava i potraživanja bivše Jugoslovenske narodne armije, preuzeti ista i ostvariti potpunu evidenciju i kontrolu, na posebnom računu kod Službe društvenog knjigovodstva Republike Bosne i Hercegovine.

Član 6.

Organi iz čl. 2. i 3. ove uredbe predložice Vladi Republike Bosne i Hercegovine (u daljem tekstu: Vlada) način korišćenja preuzetih društvenih sredstava od bivše Jugoslovenske narodne armije, saveznih organa i saveznih organizacija, u roku od 30 dana od dana zaključenja diobnog bilansa između bivše Socijalističke Federativne Republike Jugoslavije i Republike Bosne i Hercegovine.

Član 7.

Vlada će na prijedlog organa iz člana 2. i 3. ove uredbe utvrditi namjenu sredstva iz člana 1. ove uredbe i odrediti organ koji će biti nosilac prava korišćenja i upravljanja tim sredstvima.

Pri donošenju odluke iz stava 1. ovog člana Vlada će imati u vidu prioritete potrebe oružanih snaga nad sredstvima bivše Jugoslovenske narodne armije.

Član 8.

Obaveze iz člana 2. do 5. ove uredbe nadležni organi su dužni da izvrše najkasnije u roku od 60 dana od dana donošenja odluke o ukidanju neposredne ratne opasnosti u Republici Bosni i Hercegovini.

Član 9.

Ova uredba stupa na snagu danom objavljivanja u "Službenom listu RBiH".

PR broj 1199/92
15. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

134

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

ODLUKU**O CILJEVIMA I ZADACIMA JEDINSTVENE MONETARNO-KREDITNE POLITIKE ZA PERIOD JUNI - AVGUST 1992. GODINE****I**

Ovom odlukom utvrđuju se ciljevi i zadaci monetarno-kreditne politike za period januar - avgust 1992. godine, koji će se ostvarivati na teritoriji Republike Bosne i Hercegovine na kojoj Narodna banka Bosne i Hercegovine (u daljem tekstu: Narodna banka) sprovodi jedinstvenu monetarno-kreditnu i deviznu politiku.

II

U uslovima nefunkcionisanja tržišta, platnog prometa, makroekonomskih politika, a posebno fiskalne politike i politike potrošnje, monetarno-kreditna politika Republike Bosne i Hercegovine u periodu 1. juni do 31. avgust 1992. godine biće u funkciji obnavljanja proizvodnje na određenom nivou, ostvarivanja ciljeva platnog bilansa Republike u 1992. godini, uticaja na usporavanje rasta cijena i održavanja likvidnosti banaka.

U okviru toga treba dati prioritet finansiranju zaliha, rezervi i proizvodnji poljoprivredno-prehrambenih proizvoda i tova stoke, radi proizvodnje mlijeka i mesa, proizvodnji i zalihama lijekova i drugih neophodnih proizvoda, proizvodnji i zalihama uglja, drugih energenata i drugih neophodnih proizvoda za snabdijevanje stanovništva, pripremi robe za izvoz i izvoz i kreditiranje tekuće likvidnosti banaka.

Narodna banka će na bazi odluke Vlade Republike Bosne i Hercegovine odobravati kredite za premošćivanje nesklada u priricanju izvornih prihoda Budžeta Republike Bosne i Hercegovine. Korišćenje ovih kredita vršice se u skladu sa utvrđenom Projekcijom monetarno-kreditne politike.

III

Narodna banka će odobravati kredite bankama iz primarne emisije za namjene iz prethodne tačke, u okviru korištenih iznosa primarne emisije po bankama, utvrđenih a neiskorištenih reeskontnih kvota po bankama za II kvartal 1992. godine i daljeg povećanja reeskontnih kvota u skladu sa porastom cijena na malo.

Narodna banka će odobravati i kratkoročne kredite bankama iz primarne emisije po osnovu definitivne prodaje deponovane devizne štednje građana i efektivno prodatih deviza od strane građana.

Sredstva društveno-političkih zajednica koja se vode u depozitu kod Narodne banke odobravaće se za namjene iz prethodne tačke u okviru raspoloživih sredstava.

IV

Narodna banka će u okviru namjena utvrđenih tačkom 2. ove odluke, obima primarne emisije i raspoloživih sredstava depozita društveno-političkih zajednica utvrđenih tačkom III ove odluke odobravati kredite po važećoj eskontnoj stopi, važećim stopama reeskonta i rokovima otplate kredita a na bazi

zahtjeva i dokumentacije koja služi kao osnov za korištenje kredita.

Guverner Narodne banke, zavisno od realnih privrednih kretanja, će donositi odluke o usklađivanju eskontne stope, stope obavezne rezerve, kao i usklađivanje reeskontne stope zavisno od prioriteta u kreditiranju pojedinih namjena.

V

Banke izdvajaju obaveznu rezervu u skladu sa Odlukom o važećim stopama obavezne rezerve.

VI

Kamatne stope banaka će se formirati u skladu sa ponudom i tražnjom novca i hartija od vrijednosti na tržištu. Banke će odgovarajućom politikom kamatnih stopa stimulirati porast depozita, a posebno štednju građana.

Ovlašćuje se guverner Narodne banke da po potrebi potpiše odgovarajuće mjere u ovom pogledu.

VII

Stupanjem na snagu ove odluke stavlja se u moratorijum krediti iz primarne emisije i depozita društveno-političkih zajednica koji se koriste kod Narodne banke, a na osnovu kriterija koje će propisati Ministarstvo za finansije u saradnji sa Narodnom bankom.

VIII

Ovlašćuje se guverner Narodne banke da donese bliže propise o provođenju ove odluke.

IX

Ova odluka stupa na snagu danom objavljivanja u »Službenom listu RBiH«, a tačka II ove odluke primjenjuje se od 1. juna 1992. godine.

PR. broj 1194/92
11. juna 1992. godine
Sarajevo

Predsjednik
Predsjedništva Republike
Bosne i Hercegovine
Alija Izetbegović, s. r.

135

Na osnovu člana 49. i 72. Poslovnika Predsjedništva Republike Bosne i Hercegovine (»Službeni list SRBiH«, br. 37/91) i »Službeni list SRBiH«, broj 6/92), Predsjedništvo Republike Bosne i Hercegovine, na sjednici održanoj 13. juna 1992. godine, donijelo je

ODLUKU

O RAZRJEŠENJU I IMENOVANJU PREDSEDNIKA I ČLANOVA RADNIH TIJELA PREDSEDNIŠTVA REPUBLIKE BOSNE I HERCEGOVINE

I

Razrješavaju se dužnosti predsjednika i članova radnih tijela Predsjedništva Republike Bosne i Hercegovine:

– prof. dr. Biljana Plavšić, bivši član Predsjedništva RBiH, dužnosti predsjednika Savjeta za zaštitu ustavnog poretka i člana Komisije za pomilovanje Predsjedništva Republike Bosne i Hercegovine,

– prof. dr. Nikola Koljević, bivši član Predsjedništva RBiH, dužnosti predsjednika Komisije za predstavljanje i predloge, člana Savjeta za opštenarodnu odbranu i člana Komisije za organizaciono-kadrovsku pitanja Predsjedništva Republike Bosne i Hercegovine,

– Drago Vukosavljević, bivši komandant Republičkog štaba teritorijalne odbrane i Milutin Kukanjac, bivši komandant Druge vojne oblasti, dužnosti člana Savjeta za opštenarodnu odbranu Predsjedništva Republike Bosne i Hercegovine.

II

Imenuju se za predsjednika i članove radnih tijela Predsjedništva Republike Bosne i Hercegovine:

– prof. dr. MIRKO PEJANOVIĆ, za predsjednika Savjeta

za zaštitu ustavnog poretka i za člana Komisije za pomilovanja Predsjedništva Republike Bosne i Hercegovine,

– prof. dr. NENAD KEČMANOVIĆ, za predsjednika Komisije za predstavljanje i predloge, člana Savjeta za opštenarodnu odbranu i člana Komisije za organizaciono-kadrovsku pitanja Predsjedništva Republike Bosne i Hercegovine,

– SEFER HALILOVIĆ, komandant Štaba teritorijalne odbrane Republike Bosne i Hercegovine, za člana Savjeta za opštenarodnu odbranu Predsjedništva Republike Bosne i Hercegovine.

III

Ova odluka objaviće se u »Službenom listu Republike Bosne i Hercegovine«.

Broj 02-011-410/92
13. juna 1992. godine
Sarajevo

Predsjednik
Predsjedništva RBiH
Alija Izetbegović, s. r.

136

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na predlog mandataru za sastav Vlade RBiH, na sjednici održanoj 15. juna 1992. godine, donijelo je

ODLUKU

O IZBORU PREDSEDNIKA VLADE, POTPREDSJEDNIKA VLADE I MINISTARA – ČLANOVA VLADE RBiH

I

Za predsjednika Vlade Republike Bosne i Hercegovine izabran je JURE PELIVAN, dosadašnji predsjednik Vlade Republike BiH.

II

Za potpredsjednike Vlade RBiH izabrani su:

1. HAKIJA TURAJLIĆ, potpredsjednik za privredu
2. Dr MIODRAG SIMOVIĆ, potpredsjednik za unutrašnju politiku
3. Dr ZLATKO LAGUMDŽIJA, potpredsjednik za društvene djelatnosti

III

Za članove Vlade RBiH i ministre, izabrani su:

1. JUSUF PUŠINA, ministar za unutrašnje poslove
2. JERKO DOKO, ministar odbrane
3. Dr HARIŠ SILAJDŽIĆ, ministar inostranih poslova
4. RANKO NIKOLIĆ, ministar pravosuđa i uprave
5. Dr ŽARKO PRIMORAC, ministar finansija
6. Dr RUSMIR MAHMUTČEHAJIĆ, ministar za energiku i industriju
7. ALIJA DELIMUSTAFIĆ, ministar za snabdijevanje i poduzetništvo
8. RADOVAN MIRKOVIĆ, ministar za poljoprivredu i prehrambenu industriju
9. Dr HASAN MURATOVIĆ, ministar za šumarstvo i drvnu industriju
10. TOMISLAV KRSTIČEVIĆ, ministar za saobraćaj
11. UGLJEŠA UZELAC, ministar za obnovu
12. Dr MUNIR JAHIĆ, ministar za urbanizam, građevinarstvo i zaštitu okoline
13. Dr MUSTAFA BEGANOVIĆ, ministar za zdravstvo
14. Dr NIKOLA KOVAČ, ministar za obrazovanje, nauku i kulturu
15. MARTIN RAGUŽ, ministar za rad i socijalnu politiku
16. Dr MILENKO BRKIĆ, ministar za vjere

IV

Ministar za vodoprivredu izabracće se naknadno iz reda srpske nacionalnosti.

V

Ovu odluku objaviti u »Službenom listu RBiH«.

Broj: 02-111-414/92
15. juna 1992. godine
Sarajevo

Predsjednik
Predsjedništva RBiH
Alija Izetbegović, s. r.

137

Na osnovu člana 45. stav 2. Zakona o Vladi Republike Bosne i Hercegovine (»Službeni list SRBiH«, broj 33/90) i »Službeni list RBiH«, broj 2/92) Vlada Republike Bosne i Hercegovine, u cilju operacionalizacije Rezolucije Savjeta bezbjednosti 757, donosi

ODLUKU

O USPOSTAVLJANJU LOGISTIČKIH CENTARA HUMANITARNE I DRUGE POMOĆI REPUBLICI BOSNI I HERCEGOVINI

I

Logistički centri uspostavljaju se u sljedećim opštinama:

Bihać	Jajce
Bosanski Brod	Prozor
Konjic	Tuzla
Široki Brijeg	Travnik
Visoko	Zenica

II

Vlada je zaključila da se u skladu sa mogućnostima i nastalim potrebama organizuje rad logističkih centara humanitarne i druge pomoći i u drugim mjestima Republike kao i inostranstvu o čemu će se starati Ministarstvo za zdravstvo, rad i socijalnu zaštitu.

III

U dogovoru sa Vladom Republike Hrvatske uspostaviće se logistički centri u Zagrebu, Splitu, Pločama i Slavonskom Brodu.

IV

U saradnji sa organima vlasti u opštinama vršiće se imenovanje povjerenika (opunomoćenika) Vlade Republike Bosne i Hercegovine koji će rukovoditi radom logističkih centara humanitarne i druge pomoći Republici Bosni i Hercegovini.

V

Kontakte sa predstavnicima organa vlasti u opštinama u kojima će se uspostaviti logistički centri obaviće predsjednik i potpredsjednik Vlade kao i ministar za zdravstvo, rad i socijalnu zaštitu.

VI

Prijedlog opunomoćenika Vlade Republike Bosne i Hercegovine utvrdiće se do 30. juna 1992. godine.

VII

Ova odluka stupa na snagu danom objavljivanja u »Službenom listu RBiH«.

V. Broj 193/92.
1. juna 1992. godine
Sarajevo

Potpredsjednik Vlade
RBiH
Dr Rusmir Mahmutćehajić, s. r.

138

Na osnovu člana 45. stav 2. Zakona o Vladi SRBiH (»Službeni list SRBiH«, broj 33/90) i Odluke o proglašenju neposredne ratne opasnosti (»Službeni list RBiH«, broj 1/92), Vlada Republike Bosne i Hercegovine, donosi

ODLUKU

O PRIORITETIMA GLOBALNE RASPODJELE ZATEČENOG GOTOVOG NOVCA U TREZORU NARODNE BANKE BOSNE I HERCEGOVINE, SLUŽBE DRUŠTVENOG KNJIGOVODSTVA BOSNE I HERCEGOVINE I BANKAMA

I

Prioritet u raspodjeli i korištenju zatečene gotovine u trezorima Narodne banke Bosne i Hercegovine, Službe društvenog knjigovodstva Bosne i Hercegovine i poslovnim bankama, prema odredbama ove odluke imaju:

1. Armija (Oružane snage) Republike Bosne i Hercegovine;
2. Ministarstvo za unutrašnje poslove;
3. Zdravstveni radnici u bolnicama, domovima zdravlja i ambulantama na osnovu platnih spiskova ovih organizacija;
4. Zajednica penzijsko invalidskih organizacija za isplatu penzija;
5. Javna preduzeća čijim poslovanjem se obezbjeđuje zadovoljavanje neophodnih potreba stanovništva u oblasti komunalnih usluga (vodosnabdijevanje, elektroenergija i sl.);
6. Organi uprave koji obavljaju poslove u uslovima neposredne ratne opasnosti.

II

Narodna banka Bosne i Hercegovine je obavezna da za potrebe iz tačke I ove odluke, Službi društvenog knjigovodstva Bosne i Hercegovine doznači raspoloživi gotov novac izuzev sredstava obavezne rezerve.

III

Služba društvenog knjigovodstva Bosne i Hercegovine je obavezna da provodi i kontroliše raspodjelu gotovog novca u skladu sa ovom odlukom.

IV

Ova odluka stupa na snagu danom objavljivanja u »Službenom listu RBiH«.

V. br. 195
3. juna 1992. godine
Sarajevo

Potpredsjednik Vlade
RBiH
Dr Rusmir Mahmutćehajić, s. r.

139

Na osnovu člana 35. Uredbe sa zakonskom snagom o deviznom poslovanju (»Službeni list RBiH«, broj 2/92), Vlada Republike Bosne i Hercegovine, donosi

ODLUKU

O OBAVEZNOJ NAJAVI SVIH PLAĆANJA PREMA INOSTRANSTVU

I

Sva plaćanja prema inostranstvu moraju se najaviti Narodnoj banci Bosne i Hercegovine.

Najavljena plaćanja prema inostranstvu iz stava 1. ove tačke mogu se izvršiti samo uz potpis dva ovlaštena lica i to po jedno iz Narodne banke Bosne i Hercegovine i Ministarstva za finansije.

II

Narodna banka Bosne i Hercegovine propisaće najkasnije u roku od sedam dana uputstvo o načinu obavljanja platnog prometa sa inostranstvom.

III

Ova odluka stupa na snagu odmah, a objaviće se u »Službenom listu RBiH«.

V. broj: 197/92
7. juna 1992. godine
Sarajevo

Predsjednik Vlade
RBiH
Jure Pelivan, s. r.

140

Na osnovu člana 16. stav 1. tačka 12. Uredbe sa zakonskom snagom o odbrani (»Službeni list RBiH«, broj 4/92), na prijedlog Glavnog štaba oružanih snaga Republike Bosne i Hercegovine, Vlada Republike Bosne i Hercegovine, donosi

ODLUKU

O STAVLJANJU NA RASPOLAGANJE MOTORNOG BENZINA I DIZEL GORIVA ZA POTREBE TERITORIJALNE ODBRANE

I

Zatečene količine motornog benzina (MB-86 i MB-98) i dizel goriva (D-1 i D-2) koje se nalaze kod preduzeća i privatnih lica stavlja se na raspolaganje Glavnom štabu oružanih snaga Republike Bosne i Hercegovine.

Preduzećima se ostavlja na raspolaganje po 50 litara pogonskih sredstava po prevoznom sredstvu. Ista količina pogonskih sredstava ostavlja se i vlasnicima privatnih preduzeća, zanatskih radnji i auto-prevoznicima.

Vlasnicima putničkih automobila, radi zadovoljavanja ličnih potreba ostavlja se na raspolaganje 20 litara pogonskih sredstava iz stava 1. ove odluke, ukupno po domaćinstvu bez obzira na broj i vrstu motornih vozila.

II

Imaoci pogonskih sredstava iz tačke I ove odluke dužni su ih u roku od 24 sata, od dana objavljivanja ove odluke, sve raspoložive količine predati Glavnom štabu oružanih snaga, odnosno štabu Teritorijalne odbrane na čijem području se nalazi njegovo prebivalište odnosno boravište.

Ministarstvo unutrašnjih poslova vršiće kontrolu sprovođenja ove odluke i po potrebi obezbijediti realizaciju, po potrebi, i prisilnim iseljenjem.

III

Odluka se odnosi na sve količine pogonskih sredstava koje se čuvaju u cisternama, rezervoarima motornih vozila, karniterima i drugim sredstvima u kojima su smještene.

IV

Preuzete količine pogonskih sredstava iz tačke I ove odluke koristeće se isključivo za službena motorna vozila Glavnog štaba oružanih snaga, vozila jedinica Teritorijalne odbrane i mobilisana vozila za potrebe Teritorijalne odbrane po odluci Ministarstva odbrane.

Ministar odbrane odrediće lica koje će biti ovlašćeno za izdavanje preuzetih količina goriva na upotrebu jedinicama Teritorijalne odbrane.

V

Licu, odnosno preduzeću, vlasniku privatnog preduzeća, vlasniku zanatske radnje i privatnom auto-prevozniku od koga budu oduzeta pogonska sredstva iz tačke I ove odluke, nadležni organ izdaće potvrdu na primljenu količinu sredstava, kojom se obavezuje Republika Bosna i Hercegovina da će u roku od godinu dana od dana donošenja odluke o ukidanju neposredne ratne opasnosti davaocu vratiti istu količinu pogonskih sredstava ili izvršiti adekvatnu novčanu nadoknadu.

VI

Ova odluka stupa na snagu danom objavljivanja u »Službenom listu RBiH«.

V. broj: 198/92
9. juna 1992. godine
Sarajevo

Potpredsjednik Vlade
Republike BiH
Dr Rusmir Mahmutćehajić, s. r.

141

Na osnovu člana 188. Zakona o državnoj upravi – Prečišćeni tekst (»Službeni list RBiH«, broj 8/90, 22/90, 10/91, 14/91 i 4/92), Odluke o utvrđivanju uslova o privremenoj unutrašnjoj organizaciji i raspoređivanju radnika ministarstava, drugih organa uprave i republičkih upravnih organizacija, za vrijeme neposredne ratne opasnosti i zaključaka sa 182. sjednice Vlade RBiH, Vlada RBiH na 194. sjednici održanoj 2. juna 1992. godine, donijela je

РЈЕШЕЊЕ

Разрјешава се МИШУРА БОЖО дужности секретара Службе за заједничке послове републичких органа, због самовољног напуштања посла.

Са даном доношења Рјешења о разрјешењу, именова- ном престаје радни однос.

Ово рјешење објавити у »Службеном листу RBiH«.

Број: 194-1/92
3. јуна 1992. године
Сарајево

Предсједник Владе
RBiH
Јуре Пеливан, с. р.

142

На основу члана 188. Закона о државној управи – Пре- чишћени текст (»Службени лист RBiH«, број 8/90, 22/90, 10/91, 14/91 и 4/92), Оdlуке о утврђивању услова о привременој унутрашњој организацији и распоређивању рад- ника министарстава, других органа управе и републичких управних организација, за вријеме непосредне ратне опас- ности и закључака са 182. сједнице Владе RBiH, Влада RBiH на 194. сједници одржаној 2. јуна 1992. године, дони- јела је

РЈЕШЕЊЕ

Разрјешава се ЂУРАН МИЛАН дужности помоћника секретара Службе за заједничке послове републичких ор- гана, због самовољног напуштања посла.

Са даном доношења Рјешења о разрјешењу, именова- ном престаје радни однос.

Ово рјешење објавити у »Службеном листу RBiH«.

Број: 194-2/92
3. јуна 1992. године
Сарајево

Предсједник Владе
RBiH
Јуре Пеливан, с. р.

143

На основу члана 188. Закона о државној управи – Пре- чишћени текст (»Службени лист RBiH«, број 8/90, 22/90, 10/91, 14/91 и 4/92), Оdlуке о утврђивању услова о привременој унутрашњој организацији и распоређивању рад- ника министарстава, других органа управе и републичких управних организација, за вријеме непосредне ратне опас- ности и закључака са 182. сједнице Владе RBiH, Влада RBiH на 194. сједници одржаној 2. јуна 1992. године, дони- јела је

РЈЕШЕЊЕ

Разрјешава се ХАЦИЋ ДРАГИША дужности помоћни- ка министра за жељезнички, поморски, ријечни и ваздуш- ни саобраћај, због самовољног напуштања посла.

Са даном доношења Рјешења о разрјешењу, именова- ном престаје радни однос.

Ово рјешење објавити у »Службеном листу RBiH«.

Број: 194-3/92
3. јуна 1992. године
Сарајево

Предсједник Владе
RBiH
Јуре Пеливан, с. р.

144

На основу члана 188. Закона о државној управи – Премишљени текст («Службени лист РБиХ», број 8/90, 22/90, 10/91, 14/91 и 4/92), Одлуке о утврђивању услова о привременој унутрашњој организацији и распоређивању радника министарстава, других органа управе и републичких управних организација, за вријеме непосредне ратне опасности и закључака са 182. сједнице Владе РБиХ, Влада РБиХ на 194. сједници одржаној 2. јуна 1992. године, донијела је

РЈЕШЕЊЕ

Разрјешава се ЈОВАНОВИЋ НЕНАД дужности замјеника секретара Секретаријата за законодавство Владе РБиХ, због самовољног напуштања посла.

Са даном доношења Рјешења о разрјешењу, именованом престаје радни однос.

Ово рјешење објавити у «Службеном листу РБиХ».

Број: 194-4/92
3. јуна 1992. године
Сарајево

Предсједник Владе
РБиХ
Јуре Пеливан, с. р.

145

На основу члана 188. Закона о државној управи – Премишљени текст («Службени лист РБиХ», број 8/90, 22/90, 10/91, 14/91 и 4/92), Одлуке о утврђивању услова о привременој унутрашњој организацији и распоређивању радника министарстава, других органа управе и републичких управних организација, за вријеме непосредне ратне опасности и закључака са 182. сједнице Владе РБиХ, Влада РБиХ на 194. сједници одржаној 2. јуна 1992. године, донијела је

РЈЕШЕЊЕ

Разрјешава се ЧОЛОВИЋ РАЈКО дужности помоћника министра за правосуђе и управу због самовољног напуштања посла.

Са даном доношења Рјешења о разрјешењу, именованом престаје радни однос.

Ово рјешење објавити у «Службеном листу РБиХ».

Број: 194-5/92
3. јуна 1992. године
Сарајево

Предсједник Владе
РБиХ
Јуре Пеливан, с. р.

146

На основу члана 188. Закона о државној управи – Премишљени текст («Службени лист РБиХ», број 8/90, 22/90, 10/91, 14/91 и 4/92), Одлуке о утврђивању услова о привременој унутрашњој организацији и распоређивању радника министарстава, других органа управе и републичких управних организација, за вријеме непосредне ратне опасности и закључака са 182. сједнице Владе РБиХ, Влада РБиХ на 194. сједници одржаној 2. јуна 1992. године, донијела је

РЈЕШЕЊЕ

Разрјешава се ПЕРИЋ СЛОБОДАНКА дужности помоћника министра за образовање, науку, културу и физичку културу, због самовољног напуштања посла.

Са даном доношења Рјешења о разрјешењу, именованом престаје радни однос.

Ово рјешење објавити у «Службеном листу РБиХ».

Број: Број: 194-6/92
3. 6. 1992. године
Сарајево

Предсједник Владе
РБиХ
Јуре Пеливан, с. р.

147

На основу члана 188. Закона о државној управи – Премишљени текст («Службени лист РБиХ», број 8/90, 22/90, 10/91, 14/91 и 4/92), Одлуке о утврђивању услова о привременој унутрашњој организацији и распоређивању радника министарстава, других органа управе и републичких управних организација, за вријеме непосредне ратне опасности и закључака са 182. сједнице Владе РБиХ, Влада РБиХ на 194. сједници одржаној 2. јуна 1992. године, донијела је

РЈЕШЕЊЕ

Разрјешава се РАШИДАГИЋ ТЕУФИК дужности помоћника секретара Службе за заједничке послове републичких органа, због самовољног напуштања посла.

Са даном доношења Рјешења о разрјешењу, именованом престаје радни однос.

Ово рјешење објавити у «Службеном листу РБиХ».

Број 194-7/92
3. 6. 1992. године
Сарајево

Предсједник Владе
РБиХ
Јуре Пеливан, с. р.

148

На основу члана 188. Закона о државној управи – Премишљени текст («Службени лист РБиХ», број 8/90, 22/90, 10/91, 14/91 и 4/92), Одлуке о утврђивању услова о привременој унутрашњој организацији и распоређивању радника министарстава, других органа управе и републичких управних организација, за вријеме непосредне ратне опасности и закључака са 182. сједнице Владе РБиХ, Влада РБиХ на 194. сједници одржаној 2. јуна 1992. године, донијела је

РЈЕШЕЊЕ

Разрјешава се МАРКОВИЋ ЉУБИША, дужности помоћника секретара Службе за заједничке послове републичких органа, за послове угоститељства, због самовољног напуштања посла.

Са даном доношења Рјешења о разрјешењу, именованом престаје радни однос.

Број: 194-8/92
3. 6. 1992. године
Сарајево

Потпредсједник Владе
БиХ
Др Русмир Махмутџајић, с. р.

149

На основу тачке IV Одлуке о успостављању логистичких центара хуманитарне и друге помоћи Републици Босни и Херцеговини («Службени лист РБиХ», број 6/92), Влада Републике Босне и Херцеговине, доноси

РЈЕШЕЊЕ

О именовану повјереника (опуномоћеника) Владе РБиХ за руковођење логистичким центром хуманитарне и друге помоћи Републици Босни и Херцеговини.

1. Именује се за повјеренике (опуномоћенике) Владе Републике Босне и Херцеговине.

МАХМУТЋЕХАЈИЋ АЗИМ, професор – Логистички центар Јајце.

2. Ово рјешење објавити у «Службеном листу РБиХ».

В. број: 199-1/92
10. јуни 1992. године
Сарајево

Потпредсједник Владе
Републике БиХ
Др Русмир Махмутџајић с. р.

150

На основу тачке IV Одлуке о успостављању логистичких центара хуманитарне и друге помоћи Републици Босни и Херцеговини («Службени лист РБиХ», број 6/92), Влада Републике Босне и Херцеговине, доноси

РЈЕШЕЊЕ

О именовању повјереника (опуномоћеника) Владе РБиХ за руковођење логистичким центром хуманитарне и друге помоћи Републици Босни и Херцеговини.

1. Именује се за повјеренике (опуномоћенике) Владе Републике Босне и Херцеговине.

ХОЗО ИЗЕТ – Логистички центар Сплит

2. Ово рјешење објавити у «Службеном листу РБиХ».

V. број: 199-2/92

10. јуни 1992. године
Сарајево

Потпредсједник Владе
Републике БиХ

Др Русмир Махмутхехајић, с. р.

151

На основу тачке IV Одлуке о успостављању логистичких центара хуманитарне и друге помоћи Републици Босни и Херцеговини («Службени лист РБиХ», број 6/92), Влада Републике Босне и Херцеговине, доноси

РЈЕШЕЊЕ

О именовању повјереника (опуномоћеника) Владе РБиХ за руковођење логистичким центром хуманитарне и друге помоћи Републици Босни и Херцеговини.

1. Именује се за повјеренике (опуномоћенике) Владе Републике Босне и Херцеговине.

ШАХИНОВИЋ ВАХИД, дипл. инжењер – Логистички центар Високо.

2. Ово рјешење објавити у «Службеном листу РБиХ».

V. број: 199-3/92

10. јуна 1992. године
Сарајево

Потпредсједник Владе
Републике БиХ

Др Русмир Махмутхехајић, с. р.

152

На основу тачке IV Одлуке о успостављању логистичких центара хуманитарне и друге помоћи Републици Босни и Херцеговини («Службени лист РБиХ», број 6/92), Влада Републике Босне и Херцеговине, доноси

РЈЕШЕЊЕ

О именовању повјереника (опуномоћеника) Владе РБиХ за руковођење логистичким центром хуманитарне и друге помоћи Републици Босни и Херцеговини.

1. Именује се за повјеренике (опуномоћенике) Владе Републике Босне и Херцеговине.

ПОЈСКИЋ ЈИЛДУЗА, дипл. економиста – Логистички центар Зеница.

2. Ово рјешење објавити у «Службеном листу РБиХ».

V. број: 199-4/92

10. јуна 1992. године
Сарајево

Потпредсједник Владе
Републике БиХ

Др Русмир Махмутхехајић, с. р.

153

На основу тачке IV Одлуке о успостављању логистичких центара хуманитарне и друге помоћи Републици Босни и Херцеговини («Службени лист РБиХ», број 6/92), Влада Републике Босне и Херцеговине, доноси

РЈЕШЕЊЕ

О именовању повјереника (опуномоћеника) Владе Републике Босне и Херцеговине за руковођење логистичким центром хуманитарне и друге помоћи Републици Босни и Херцеговини.

1. Именује се за повјереника (опуномоћеника) Владе Републике Босне и Херцеговине:

Проф. др СЕАД АВДИЋ – Логистички центар Тузла.

2. Ово рјешење ступа на снагу даном доношења, а објавиће се у «Службеном листу РБиХ».

V. број: 202/92.

15. јуни 1992. године
Сарајево

Потпредсједник Владе
РБиХ

Др Русмир Махмутхехајић, с. р.

154

На основу члана 188. Закона о државној управи – Премишљени текст («Службени лист РБиХ», број 8/90, 22/90, 10/91, 14/91 и 4/92), Одлуке о утврђивању услова о привременој унутрашњој организацији и распоређивању радника министарстава, других органа управе и републичких управних организација, за вријеме непосредне ратне опасности и закључака са 182. сједнице Владе РБиХ, Влада РБиХ на 201. сједници одржаној 13. јуна 1992. године, донијела је

РЈЕШЕЊЕ

Разрјешава се Сарај Русмир, дужности помоћника секретара Службе за заједничке послове републичких органа због организационих слабости у руковођењу Ауто-сервисом Владе РБиХ.

Са даном доношења Рјешења о разрјешењу Русмиру Сарају се одређује статус радника на чекању.

Број: 201/92.

15. јуни 1992. године
Сарајево

Потпредсједник Владе
РБиХ

Др Русмир Махмутхехајић, с. р.

155

На основу тачке 4. одлуке о успостављању логистичких центара хуманитарне и друге помоћи Републици Босни и Херцеговини («Службени лист РБиХ», број 6/92), Влада Републике Босне и Херцеговине, доноси

РЈЕШЕЊЕ

О ОДРЕЂИВАЊУ ШПЕДИТЕРА ЗА ПОТРЕБЕ ЛОГИСТИЧКИХ ЦЕНТАРА

1. Утврђује се да је овлаштени шпедитер за дјеловање логистичких центара у Републици Босни и Херцеговини и иностранству «Интершпед» – Сарајево, којег представља АХАТОВИЋ МУСТАФА као овлаштено лице.

2. Дјеловање овлаштеност шпедитера утврђит ће се у складу са Упутством за успостављање и рад логистичких центара хуманитарне и друге помоћи Републици Босни и Херцеговини и у сарадњи са главним координатором рада логистичких центара – повјереником (опуномоћеником) Владе РБиХ.

3. Накнада за услуге шпедиције бит ће одређена уговором сачињеним између »Интершпеда« и главног координатора рада логистичких центара – повјереника (опуномоћеника) Владе РБиХ, а путем Дирекције за робне резеве на терет средстава прикупљених за хуманитарну помоћ и других средстава расположивих за ову намјену.

4. Овлашћени шпедитер – »Интершпед« – Сарајево регулисаће своје пословне односе са шпедитерима кореспондентима у логистичким центрима хуманитарне помоћи у Републици Босни и Херцеговини и иностранству.

5. Ово рјешење објавити у »Службеном листу РБиХ«.

V. број: 200/92.
12. јуни 1992. године
Сарајево

Потпредсједник Владе
РБиХ
Др Русмир Махмутчеџајић, с. р.

Nakon prijema akta Javnog preduzeća Radio-televizije BiH, broj: 05-8/26 od 13. maja 1992. godine utvrđeno je da je u tekstu Uredbe sa zakonskom snagom o izmjeni i dopuni Zakona o Radio-televiziji Sarajevo, objavljenoj u »Službenom listu RBiH« 4/92), potkrala štamparska greška, pa se daje

ISPRAVKA

UREDBE SA ZAKONSKOM SNAGOM O IZMJENI I DOPUNI ZAKONA O RADIO-TELEVIZIJI SARAJEVO

U članu 2. i članu 3. umjesto riječi »RTBiH« treba da stoji »RTVBiH«.

PR. Broj: 1164-2/92
15. juni 1992. godine
Sarajevo

Generalni sekretar
Predsjedništva RBiH
Mile Akmadžić s. r.

S A D R Ź A J:

110 Uredba sa zakonskom snagom o ustanovama.....	201	128 Uredba sa zakonskom snagom o izmjenama i dopuna- ma Zakona o javnom tužilaštvu	218
111 Uredba sa zakonskom snagom o utvrđivanju ratne štete	205	129 Uredba sa zakonskom snagom o primjeni Zakona o redovnim sudovima za vrijeme neposredne ratne opasnosti ili za vrijeme ratnog stanja	220
112 Uredba sa zakonskom snagom o primjeni Zakona o krivičnom postupku koji je preuzet kao republički za- kon za vrijeme neposredne ratne opasnosti ili za vrije- me ratnog stanja	206	130 Uredba sa zakonskom snagom o primjeni Zakona o Narodnoj banci Bosne i Hercegovine za vrijeme rat- nog stanja ili u slučaju neposredne ratne opasnosti ...	220
113 Uredba sa zakonskom snagom o izmjenama i dopuna- ma Zakona o pomilovanju	207	131 Uredba sa zakonskom snagom o napuštenim stanovi- ma	221
114 Uredba sa zakonskom snagom o primjeni Zakona o privrednim prestupima koji je preuzet kao republički zakon za vrijeme neposredne ratne opasnosti ili za vrijeme ratnog stanja	208	132 Uredba sa zakonskom snagom o smještaju ljudi i ma- terijalnih dobara za vrijeme neposredne ratne opas- nosti ili ratnog stanja	222
115 Uredba sa zakonskom snagom o primjeni Zakona o izvršenju krivičnih i prekršajnih sankcija za vrijeme neposredne ratne opasnosti ili za vrijeme ratnog sta- nja	208	133 Uredba sa zakonskom snagom o preuzimanju sredsta- va bivše Socijalističke Federativne Republike Jugosla- vije u svojini Republike Bosne i Hercegovine	223
116 Uredba sa zakonskom snagom o rokovima u sudskim postupcima i upravnom postupku za vrijeme nepos- redne ratne opasnosti ili za vrijeme ratnog stanja	209	134 Odluka o ciljevima i zadacima jedinstvene monetar- no-kreditne politike za period juni–avgust 1992. godi- ne	223
117 Uredba sa zakonskom snagom o primjenjivanju Za- kona o opštem upravnom postupku koji je preuzet kao republički zakon, za vrijeme neposredne ratne opasnosti ili za vrijeme ratnog stanja	210	135 Odluku o razrješenju i imenovanju predsjednika i čla- nova radnih tijela Predsjedništva Republike Bosne i Hercegovine	224
118 Uredba sa zakonskom snagom o neprimjenjivanju Za- kona o upravnim sporovima koji je preuzet kao re- publički zakon, za vrijeme neposredne ratne opasnos- ti ili za vrijeme ratnog stanja	211	136 Odluka o izboru predsjednika Vlade, potpredsjednika Vlade i ministara – članova Vlade RBiH	224
119 Uredba sa zakonskom snagom o primjeni Krivičnog zakona Republike Bosne i Hercegovine i Krivičnog zakona Socijalističke Federativne Republike Jugosla- vije koji je preuzet kao republički zakon za vrijeme neposredne ratne opasnosti ili za vrijeme ratnog sta- nja	211	137 Odluka o uspostavljanju logističkih centara humani- tarne i druge pomoći Republici Bosni i Hercegovini ..	225
120 Uredba sa zakonskom snagom o sredstvima pomoći za saniranje posljedica rata u Republici Bosni i Her- cegovini	212	138 Odluka o prioritetima globalne raspodjele zatečenog gotovog novca u trezoru Narodne banke Bosne i Her- cegovine, Službe društvenog knjigovodstva Bosne i Hercegovine i bankama	225
121 Uredba sa zakonskom snagom o izmjenama i dopuna- ma Zakona o redovnim sudovima	212	139 Odluka o obaveznoj najavi svih plaćanja prema inos- transtvu	225
122 Uredba sa zakonskom snagom o primjeni Zakona o državnoj upravi za vrijeme neposredne ratne opasnos- ti ili za vrijeme ratnog stanja	214	140 Odluka o stavljanju na raspolaganje motornog benzi- na i dizel goriva za potrebe teritorijalne odbrane	226
123 Uredba sa zakonskom snagom o primjeni Zakona o javnom tužilaštvu za vrijeme neposredne ratne opas- nosti ili za vrijeme ratnog stanja	215	141 Rješenje o razrješenju sekretara Službe za zajedničke poslove republičkih organa	226
124 Uredba sa zakonskom snagom o izmjenama i dopuna- ma Zakona o javnom pravobranilaštvu	215	142 Rješenje o razrješenju pomoćnika sekretara Službe za zajedničke poslove republičkih organa	226
125 Uredba sa zakonskom snagom o primjeni Zakona o prekršajima za vrijeme neposredne ratne opasnosti ili za vrijeme ratnog stanja	217	143 Rješenje o razrješenju pomoćnika ministra za željez- nički, pomorski, riječni i vazdušni saobraćaj	226
126 Uredba sa zakonskom snagom o primjeni Zakona o javnom pravobranilaštvu za vrijeme neposredne ratne opasnosti ili za vrijeme ratnog stanja	217	144 Rješenje o razrješenju zamjenika sekretara Sekretari- jata za zakonodavstvo Vlade RBiH	227
127 Uredba sa zakonskom snagom o primjenjivanju Za- kona o parničnom postupku koji je preuzet kao re- publički zakon, za vrijeme neposredne ratne opasnos- ti ili za vrijeme ratnog stanja	218	145 Rješenje o razrješenju pomoćnika ministra za pravo- sude i upravu	227
		146 Rješenje o razrješenju pomoćnika ministra za obrazo- vanje, nauku, kulturu i fizičku kulturu	227
		147 Rješenje o razrješenju pomoćnika sekretara Službe za zajedničke poslove republičkih organa	227
		148 Rješenje o razrješenju pomoćnika sekretara Službe za zajedničke poslove republičkih organa za poslove ugostiteljstva	227
		149 Rješenje o imenovanju povjerenika Vlade RBiH za rukovođenje logističkim centrom humanitarne i druge pomoći – Log. cen. Jajce	227

150 Rješenje o imenovanju povjerenika Vlade RBiH za rukovođenje logističkim centrom humanitarne i druge pomoći - Logistički centar Split	228	153 Rješenje o imenovanju povjerenika Vlade RBiH za rukovođenje logističkim centrom humanitarne i druge pomoći - Logistički centar Tuzla	228
151 Rješenje o imenovanju povjerenika Vlade RBiH za rukovođenje logističkim centrom humanitarne i druge pomoći - Logistički centar Visoko	228	154 Rješenje o razrješenju pomoćnika Službe za zajedničke poslove republičkih organa	228
152 Rješenje o imenovanju povjerenika Vlade RBiH za rukovođenje logističkim centrom humanitarne i druge pomoći - Logistički centar Zenica	228	155 Rješenje o određivanju špeditera za potrebe logističkih centara	228
		- Ispravka Uredbe sa zakonskom snagom o izmjeni i dopuni Zakona o radio-televiziji Sarajevo	229